

# WAN



Namba 1809  
Wan Wik, April 9 - 15, 2009

Niuspepa Bilong Yumi Ol PNG Stret!

K1 tasol  
long olgeta hap

## Ista em taim long tingim dai bilong Jisas Krais

*Mathew 27.45*

**L**ong belo stret, olgeta hap bilong kantri i kamap tudak long 3-pela awa olgeta. Long 3 kilok stret, Jisas i singaut bikpela tru, "Eli, Eli, lema sabachthani?" As bilong dispela tok em, "God bilong mi, God bilong mi, bilong wanem na yu lusim mi?"

Jisas i kirap bek gen?..  
(Mark 16:1-10,  
Luke 24:1-12, John 20:1-10)

## Bikpela Hanset Seil!



Ol Hanset em ol i salim long K49 tasol!

# Rot bilong gavman long skelim mani i daunim divelopmen

James Kila i raitim

**GAVMAN** i mas senisim sistem o rot bilong en bilong skelim mani bilong em i go long ol distrik na lokol level gavman (LLG) kaunsil long kantri.

Dispela em long wanem taim dispela sistem ol i kolim 'PNG Gavman Akaunting Sistem' (PGAS), i save pas long Desemba inap long Mas long nupela yia, namel long dispela taim, i nogat wanpela wok divelopmen i save

kamap. Planti taim, ol kaunsila i save sindaun nating.

Goroka Eben LLG wod 5 kaunsila, Martin Wilson, i tokaut long dispela hevi long sait bilong gavman mani i go long ol LLG, dispela wik. Mista Wilson i tok taim gavman i

bin pasim akaun bilong em long Disemba i kam long Mas, planti ol projek wok i no kamap.

*Stori i go moa long Pes 2*

Ol hanset i gat ol samting\* olsem 2 megapiksel kamera, mp3 pilaia, vidio pilaia, FM redio na planti moa samting.

Ofa bai pinis long April 30 o taim olgeta hanset i pinis.

**Digicel**

Gutpela, Bikpela moa Network.

\*I stap long wan wan ol hanset tasol. Ol lo bilong Digicel i stap. Digicel i holim rait long rausim o senisim dispela ofa long laik bilong em. Olgeta prais i gat GST takis long en.

<b>Insait</b>	<b>Ol bisnis resis long traim nupela samting - Pes 2</b>	<b>Kot i op long boi i dai insait long bokis ais - Pes 3</b>	<b>Ol poto bilong namba 54 UPNG greduesen - Pes 8</b>
---------------	--	--	---



Promotim Seif na Strongpela Sosaiti bilong yumi olgeta!



**OX & PALM**  
Since 1936

**Nupela CURRY CHICKEN!**

Planti kakaruk mit wantaim kari!

# Rot bilong gavman long skelim mani i daunim tru ol wok developmen

I kam long Pes 1

"PLANTI ol projek i mas i gat mani long mekim wok. Yu no inap mekim wok nating o dinau na mekim wok.

"Olsem na ating gavman i mas senisim dispela PGAS, na traim nupela rot bilong givim mani we wok i ken ron hariap na bringim gutpela developmen na sevis long ol manmeri," Mista Wilson i tok.

Em i tok planti manmeri i wok long kros na sutim tok long ol kaunsila olsem ol i no mekim wok. Tasol dispela i no hevi bilong ol kaunsila. Em i sistem gavman yet i mekim na wok i no kamap hariap.

Em i tok dispela akaunting sistem bilong gavman i mekim na planti ol wok we i mas kirap i wok long ron isi isi tru.

"Namba wan tripela mun (wanpela kota) bilong dispela yia i go nating na sampela ol bikpela projek wok i no kamap long wanem long sistem bilong gav-

man," Mista Wilson i tok.

Em i tokaut olsem taim akaunting sistem i pas long Disemba, em i olsem 4-pela mun olgeta. Na sapos yu bungim 4-pela mun insait long 5-pela yia em ol kaunsila bai holim wok, bai yu lukim olsem 20 mun i wet nating, na ol i no mekim planti wok. Dispela em long wanem akaun bilong gavman i pas.

Mista Wilson i tok olsem insait long 5-pela yia, i save gat 60 mun olgeta. Na sapos yu glasim gut, bai yu lukim olsem tripela kota bilong taim em ol kaunsila i stap long opis em ol i stap nating long wanem i nogat mani long mekim wok.

Em i tok em yet i gat planti gutpela tingting i stap olsem long givim ol kontrak wok long ol yangpela manmeri, tasol bikpela hevi em akaun i no op hariap na ol kaunsila i wet yet.

# Fainens Inkwairi no inap pinis long taim

Paul Zuvani i raitim

I GAT tupela mun tasol i stap bipo long bikpela Fainens Inkwairi i pinisim wok bilong en.

Dispela wok painim em praim minista i kamapim long go insait long ol paul wok, giaman na stil pasin i kamap long Dipatmen bilong Fainens.

Tasol dispela bai i no inap long pinis long 6-pela mun we gavman i makim long en.

"I gat 500 samting we Komisin bilong Inkwairi bai i mas lukluk i go insait long en.

"Nau yet em i pinisim tasol 100 ol sut toktok na dispela i liklik hap tasol," wanpela opisa long inkwairi i tok.

Dispela opisa i tok tu olsem long taim dispela inkwairi i wok long kamap Dipatmen bilong Fainens i wok long givim yet ol mani.

"Mipela i no save sapos dispela ol askim bilong pemen i

bihainim ol wok tru we ol manmeri i mekim o i giaman askim tasol," opisa i tok.

Em i no klia hamas mani bilong K7 milion we gavman i givim bilong inkwairi mekim wok em inkwairi i yusim pinis na hamas i stap yet o sapos olgeta dispela mani i pinis.

Gavman i bin statim dispela inkwairi long Mas 2007 wantaim K10 milion tasol dispela mani i pinis na praim minista i pinisim dispela inkwairi.

Tasol long Me 2008 praim minista i kirapim gen inkwairi wantaim K7 milion na bihain putim narapela K6 milion.

Dispela K6 milion i bilong bekim K6 milion dinau we pastaim inkwairi i bin sanap na kisim ol samting long em.

Tasol dispela inkwairi i wok long pas inap long stat bilong dispela yia we em i kamap gen.

Gavman i givim 6-pela mun long inkwairi long pinisim wok

tasol i luk olsem taim i sot long inkwairim i mekim olsem.

Long dispela wik bipo sif sekretari bilong gavman Isaac Lupari i kamap bipo long Komisin bilong Inkwairi na i givim toktok.

Tasol bipo long em i givim toktok loya bilong em Mista Tame bilong Tame loyas kampani i tok Lupari i no i mas kamap bipo long inkwairi long wanem pasin bilong Lupari i no stap aninit long ol askim bilong inkwairi.

Em i mekim tripela askim olsem:

• Tok orait long givim mani i go long Lupari bihainim Kot Oda i stap namel long Fainens Dipatmen na em. Dipatmen i bodi bilong gavman. Inkwairi i bodi bilong gavman. Em i no orait long gavman i salensim pasin bilong em yet. Long dispela as Lupari i no mas kamap.

• Lupari i kisim K1 milion

tasol long wanpela askim bilong em na i no olgeta tripela askim bilong em long wanwan asua em i tok gavman i mekim asua long em. Inkwairi i go insait long ol arapela tok tok i no mas kamap na

• Inkwairi i mekim wok painim long ol mani we mak bilong ol i stat long K300,000 na go antap. Mani we Lupari i kisim i stap long K250,000 na kam daun. Long dispela as Lupari i no i mas kamap bipo long Inkwairi.

Long olgeta dispela askim Sif Komisina Ritaia Jaš Jastis Maurice Sheehan i tok ol dispela askim i tru tasol bikos long wanpela Tems ov Referens bilong inkwairi i tok long husat wok bilong em i pas long Fainens Dipatmen na paul pasin i kamap i mas sanap long ai bilong inkwairi na givim tok,

long dispela as i gat laik i stap long Lupari long givim toktok.

# Ol bisnis resis long traim ol nupela samting

Paul Zuvani i raitim

PLANTI ol liklik na bikpela liklik bisnis long kantri (SME) nau i go insait long traim ol nupela rot bilong mekim wok bilong ol na salim samting bilong ol long

lokel na wol maket.

Ol bai no u mas mekim ol bikpela senis tasol wanem senis ol i traim long kamapim i bikpela samting.

Wanpela bilong dispela ol bisnis em Niugini Prut Kampani Ltd (NGF) we nau i go insait long mekim wok long kisim na putim i go insait long bokis ol drai prut olsem banana na painepel na salim long maket.

Dispela em i nupela

kain wok long kantri na olsem Invesmen Promosen Atoriti (IPA) i givim luksave long NGF long gutpela wok bilong ol.

Dispela kampani bilong Goroka, Isten Hailans provins, we i kamap long 1997 i kamapim kain wok olsem taim em i stat long putim i go insait ol jam prut na hani (honey) aninit long nem Hailans Marmalade, Wail Prut (Wild Fruit)

jam na Hailans Hani.

Bihain em i mekim wok long ol arapela prut jam na bia olsem "Live Lave" na "Apo" prut dring.

Ol drai prut em nupela samting nau em i go insait long kamapim na dispela ol samting nau i stap insait pinis long ol stua.

Bikos dispela em i nupela samting long ol lokol manmeri, kampani i draim long promotim dispela prodak bilong

em wantaim ol.

Sally Watson, kampani supavaisa i tok long wanem em i nupela samting ol i no salim planti bilong ol yet.

Long wanpela wok-about bilong em i go long Australia i no long-taim i go pinis Watson i go lukim wanpela kampani we i save draim ol prut na salim. Bihain long em kambek em i statim dispela nupela wok.

## OXFORD, TOK PISIN INGLIS DIKSENERI

Katim, na pulimapim oda fom daunbilo na salim i kam long Wantok Niuspepa sapos yu laik baim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu tanim Tok Pisin i go long Inglis, o Inglis i go long Tok Pisin. Hariap na kisim wanpela bilong ol dispela gutpela buk we inap strongim Tok Pisin bilong yu.

## ORDER FORM

TITLE	ISBN	PRICE	QTY	SUBTOTAL
PNG Tok Pisin English Dictionary	9780195551129	K38.50		
				TOTAL K
				PLUS FREIGHT* K
				GRAND TOTAL K

Recommended retail price is correct at the time of printing and is subject to change without notice.

\*Freight cost for one book: K3.00 across PNG K10.00 Solomon Is K13.50 rest of Pacific Is K17.50 rest of the world

### Options for Payment

- Direct deposit into Bank Account (details below)
- Mail Cheque to Word Publishing Company Ltd, PO Box 1982, BOROKO, NCD.
- Call into the office: Office 02, Section 58 Allotment 03, Wologani Dr, NCD.

Account Name: Word Publishing Company Ltd  
 Account Number: 100 000 5380  
 Bank: Bank of South Pacific Ltd  
 Branch: Commercial Centre  
 Branch Code: 8951  
 Swift Code: BOSPPCPM


FAX BACK TO: (675) 325 2579

If you are ordering more than one copy please contact us for a quote.  
 Phone: (675) 325 2500  
 Fax: (675) 325 2579  
 Email: word@wantok.com.pg

Name (print): ..... Phone: .....

Address (print): ..... Fax: .....

Mail: ..... Signature: .....



**SPIT...PULAP:** Kar i pulap pinis tasol long PNG, ol manmeri bai painim ples bilong sindaun yet. Dispela i luk stail tasol birua i ken kamap na ol manmeri ken kisim bagarap.

Foto: Andrew Molen

# Planti ren na kaikai i no kamap gut



**KAIKAI NOGAT:** Ren i wok long pundaun na kaukau lip planti na rop i planti. Tasol tru tru kaikai bilong em i nogat. Dispela em kaukau long ples Gembok. *Poto: Eric Sinebare*

**Eric Sinebare i raitim**

LUKLUK bilong yumi long dispela graun o kantri bilong yumi PNG, nau yumi lukim na pilim planti hevi i laik bungim yumi nau. Hevi bilong wara i tait, graun i bruk, wara i karim manmeri na pikinini i go kilim i dai, wara tait karamapim olgeta gaden kaikai i bagarap na i no moa gat kaikai we ol manmeri i ken kaikai.

Wanpela ripot i kam long Gembogl distrik insait long Simbu provins olsem, dispela hevi bilong planti ren na wara i pulap long graun na olgeta kaukau bilong ol manmeri i nogat kaikai bilong en insait long graun, olgeta i gat ol rop i pulap na ol lip tasol i planti na nogat kaikai bilong kaikai.

*Wantok Niuspepa* i kisim ripot long dispela distrik na ol arapela distrik insait long

Simbu tu, olsem, ol ren i wok long kam daun planti, ol dispela ol hevi i wok long mekim na planti manmeri i no inap long stap long ples.

Olgeta sit kaikai i no gro, sampela kaikai i grin yet na i no redi hariap, na tu, planti ol kaikai i save kam long maket, hevi bilong graun bruk na rot i pas we planti rnan i no inap long bringim ol kaikai na ol arapela samting i kam long ples maket long salim.

# Kot bilong boi dai long ais bokis bilong stua op gen

**James Kila i raitim**

**WANPELA** bikpela bisnisman long Goroka na wanpela bipo polis task fos komanda long Goroka, i bin kamap long kot long traim abrusim jastis sistem long Goroka long wanpela kol-kes (Cold Case) em Ombudman Komisin i opim gen.

As bilong 'Kol Keis' em olsem dispela keis em kot i putim arere long wanem i nogat inap samting long tokaut tru (evidence) o go het bilong dispela wok painimaut. Tasol ol narapela lain insait long kot i wok hat i go na i bringim gen dispela kes long kamap long painim sampela asua.

Ol memba bilong Polis Oganais Kraim Skwat bilong Mosbi i bin kisim na sasim jenerel menesa bilong Bintangor Treding, Simon Sia na foma o bipo komanda bilong Goroka task fos polis, Andrew Wawia long wantaim polis i ting olsem ol i bin pasim tok wantaim ol loya, polis, dokta na ol narapela lain ejensi long stopim wok

painimaut i go insait long dai bilong wanpela yangpela man long Goroka long yia 2001.

Sia wantaim Wawia i bin go soim pes long Goroka Distrik Kot long las wik Trinde na kot i surikim kot bilong ol i go long neks wik

Sampela kot pepa i tokaut olsem Sia wantaim wanpela man em polis i bin sasim pasim bihain long dai bilong wanpela yangpela man husat i gat 17 krismas long yia 2001. Dispela yanpela man husat long dai long Septemba long yia 2001 nem bilong em Leslie Welamino.

Ol i bin sutim tok long Leslie olsem em i bin stil insait long Bintangor long dispela taim na ol wokman bilong dispela stua i bin painim em na lokim em insait long ais bokis o frisa bilong stua inap long samting olsem 6-pela awa olgeta.

Taim ol i kisim dispela boi i go long haus sik, em i bin dai.

Insait long medikel ripot bilong haus sik, dispela boi i bin dai bihain long ol bagarap em i kisim long het bilong em.

Sampela ol memba bilong dispela spesel polis kraim skwat i bin go long Goroka long las wik i go pinis long redim ol ripot we ol i givim long Goroka Distrik Kot long lukluk i go insait long dispela hevi we i bin stap longpela taim liklik.

Ol memba bilong Polis Oganais Kraim Skwat bilong Mosbi i bin kisim na sasim jenerel menesa bilong Bintangor Treding, Simon Sia na foma o bipo komanda bilong Goroka task fos polis, Andrew Wawia.

em Epril 15.

Kot i bin larim ol i go bek long haus taim tupela i peim K1000 beil. Kot i bin holim bek paspot bilong Sia.



INDUSTRIAL BOOTS

## NEW STOCK AVAILABLE NOW

**BRUT - SLIP ON BROWN KIP LEATHER**



**NUBUCK - 6" LACE UP SUEDE LEATHER**



**EXPLORER - 8" LACE UP BROWN KIP LEATHER**



**BULLDOG BOOTS:**

- Dual density Polyurethane rubber sole for extra comfort and increased wear
- Lightweight
- PORON inner soles for exceptional comfort

- Wide Steel Toe Caps
- Full Length Tongue

- Meets AS/NZ 2210.3 Standards
- Oil & Heat Resistant Sole
- Padded Collars



## BISHOP BROTHERS ENGINEERING LTD

everything for industry...

PORT MORESBY

LAE

MT HAGEN

KIMBE

RABAU

MADANG

VANIMO

# Ol kalabusman ronawe long polis sel

James Kila i raitim

POLIS long Gerona, Isten Hailans provins, i givim bikipela tok lukaut long ol manmeri bihain long 17 kalabusman i ronawe long Goroka polis stesin sel las wiken.

Manbel long ol dispela lain husat i ronawe em wanpela gret 11 sumatin i ronawe em kam gan i go insait long ATU benk las wik Fraide na holim manmeri wanpela meri husat i kam manmeri long go long putim long benk. taitim em wantaim wanpela laplap na kisim mani na i wokabaut i go aut long benk.

Tasol dispela meri i rausim rop na singaut taim dispela sumatin i wokabaut i go long dua bilong benk. Sumatin i tanim bek long dua long wanem ol sekyuriti gat i stap na em i kikim na brukim glas bilong benk long ronawe.

Tasol ol sekyuriti gat na ol manmeri long benk i paitim em. rausim

gan long han bilong em na givim em i go long ol polis husat i bin sanap ausait long benk.

Ol sekyuriti bilong benk harim dispela meri i singaut na holim pasim dispela sumatin long dua bilong benk.

Provinsel Polis Komanda bilong Isten Hailans. Sif Inspekta, Augustine Wampe, i tokaut long Mande oisem em i givim oda pinis long provinsel stesin komanda Sif Inspekta. Dawd Seine, long mekim wok painimaut i go insait long ronawe bilong dispela 17 kalabusman.

Mista Wampe i tok olsem dispela ronawe bilong ol kalabusman i bin kamap long Sande apinun taim wanpela polisman tasol i bin go opim dua bilong sel. Ol kalabusman i bin pusim em aut wantaim dua na ronawe.

Em i tok olsem namel long ol dispela kalabusman, 6-pela bilong ol em ol lain husat i mekim bikipela trabel na i stap long sel.

## AusAID bai sapotim Opis bilong Klaimet Senis

OPIS bilong Klaimet Senis na Environmen Sastenibiliti (OCC & ES) i sainim wanpela tok orait long AusAID i givim ol savman bilong koporet plening long wok sotpela taim aninit long PNG/Australia Fores Kabon Patnasip Fasiliti. OCC na ES eksekutiv dairekta Dokta Theo Yasause na Etvaisa Sapot Fesiliti Dairekta Dokta Geoff Elvy i sainim wanpela tok orait pepa long OCC na

ES i ken kisim dispela helpim long opis bilong OCC na ES long Mosbi long Fonde 2 Epril, 2009. Aninit long dispela tok orait AusAID bai mas makim wanpela etvaisa we i mas wok wantaim OCC na ES na divelopim koporet sapot fasiliti long wan wan 6-pela mun na bai lukluk long wok bilong fainens, humen risos menesmen na prokiumen (baim ol samting).

## Post PNG strongim ol piksa tumbuna



**NUPELA:** Papua Niugini (PNG) bai lukim nupela stem kam aut long dispela mun. Dispela nupela stem em piksa bilong ol pasin tumbuna em wanpela atis bilong Papua Niugini (PNG) i droim. Dispela atis em bilong ailan Lossu long Nu Ailan provins, i droim, na nem bilong em David Lasisi. Em i wanpela bipo man bilong droim ol kain piksa bilong pasin tumbuna. Post PNG i amamas long kisim ol piksa bilong Misa Lasisi na mekim kamap long stem, bosman bilong Post PNG, Ray Clarke i tok. Mista Clarke i tok dispela kain ol piksa long stem bai pulim ai bilong ol manmeri long kam raun long PNG. Long poto em Mista Lasisi (lephan) na Mista Clarke (raitihan). *Poto: Nicky Bernard*



### INDEPENDENT STATE OF PAPUA NEW GUINEA DEPARTMENT OF JUSTICE & ATTORNEY GENERAL OFFICE OF NATIONAL LANDS COMMISSION

Telephone: (675) 323 1148  
Facsimile: (675) 323 2822  
Email: lands@ogc.gov.pg

Stones Rd, 3 Mile  
P.O. Box 301  
WAIGANI, MCD  
Papua New Guinea

#### PABLIK NOTIS

DISPELA TOKSAVE I GO LONG OL PAPAMAMA BILONG GRAUN WANTAIM OL LAIN WE I MAKIM OL WAN PISIN INSAIT LONG SENTREL NA MOROBE PROVINS WE RIPITA STESIN LONG MAUNTEN STRONG I SANAP.

YUPELA I MAS KAM LUKIM MIPELA LONG NESENEL LENS KOMISIN OPIS LONG 4 MILE LONG BOROKO KLOSTU TASOL LONG PASIFIK INTANESINEL HAUS SIK LONG

NAMBA 5 DE BILONG MUN MEI, 2009  
LONG 10:30 LONG MONING.

TOK ORAIT I KAM LONG:

MICAH M. PITPIT, LLB, CBE  
SIF KOMISINA

#### PUBLIC NOTICE

THIS IS TO ADVISE LANDOWNERS GROUP OR CLAN REPRESENTATIVES OF CENTRAL AND MOROBE PROVINCES OVER MT. STRONG REPEATER STATION TO REPORT TO OFFICE OF NATIONAL LANDS COMMISSION 4 MILE OFFICE AT BOROKO, ADJACENT TO PACIFIC INTERNATIONAL HOSPITAL.

DATE: TUESDAY - 5TH OF MAY, 2009  
TIME: 10:30 AM

AUTHORIZED BY:

MICAH M. PITPIT, LLB, CBE  
CHIEF COMMISSIONER

# 'Yumi nogat rispek long narapela'

Bustin Anzu i raitim

PLANTI manmeri i no save i gat rispek long lo bilong kantri na dispela i save kamapim planti hevi Olgeta i mas bungim han na tingting wantaim long daunim na rausim dispela. wanpela jas i tok.

Sinia residen Jas bilong Lae Jastis Nicholas Kirriwom i mekim dispela toktok bihain long openim Lo na Jastis Sekta piksa o eksibisen (exhibition) long Yunivesiti bilong Teknologi (Yunitech) Taraka Kempes (campus) long Lae long stat bilong dispela wik.

"Planti bilong mipela i no save i gat rispek long lo long kantri. Planti manmeri insait long wanem kain wok ol i mekim. ol i nogat rispek long lo olsem long taim bilong bipo

"PNG tu i gat nem nogut long kot sistem bilong PNG taim bilong independens i kam inap nau. Na tu ol lain husait i stap insait long sistem tu i nogat rispek long lo na dispela i mekim planti lo na oda insait long kantri i

go bagarap olgeta," em i tok.

Tasol Lo na Jastis Sekta i bung wantaim na mekim planti wok long daunim dispela hevi na amamas long olgeta manmeri na pikinini na sumatin husait i go long dispela piksa dei long Yunitek.

Em i tok dispela bung bai i no inap kamap tasol em i tok tenk yu long Australia long kamapim dispela sekta ajensi, sampela tripela o 4-pela yia igo pinis long bungim olgeta lo na Jastis sekta long helpim long daunim hevi.

Em i tok em save putim lo na jastis sekta long lewa bilong em, long wanem, dispela wok bung wantaim i ken helpim ol long daunim ol hevi wok long kamap planti lain i bin amamas long wok bilong lo na jastis sekta long wokbung wantaim na dispela toksave i mas i go long ol grasrut tu.

Em i singaut long ol manmeri long kamap long dispela piksa so na luksave long wok bilong sekta.

# Wau givim askim

Bustin Anzu i raitim

MOA long 5,000 Watut manmeri i bin bung long Bulolo polis stesin long givim petisen o askim bilong ol i go long gavman.

Mausman bilong Watut, William Yakamsa, i tok bikpela astingting bilong ol insait long dispela petisen em olsem i nogat luksave bilong ol Watut long distrik, maski em graun bilong ol, em Morobe na Papua Niugini (PNG) i wok long kisim planti sevis na ol lain bilong ol yet nogat.


"Gavman i no luksave long mipela long 86 yia.

"Mipela karim spirit bilong Morobe wantaim wok bilong maining long ples bilong mipela tasol nogat luksave bilong gavman.

"Gavman i yusim mipela nating tru," em i tok.

Ol bikman bilong gavman, Gavana bilong Morobe provins, Luther Wenge, Memba bilong Bulolo/Wau, Provinsel Lo na Oda siaman, Benson Suwang, provinsel polis komanda supaintended Peter Guinness na ol mausman bilong ol maining kampani i kisim dispela petisen.

Em i tok nogat luksave bilong ol long gavman bilong pastaim na ol i laikim ol i



EM YA: Wanpela meri Watut Lamia Teneyapo i givim askim pepa i go long wanpela mausman bilong Niugini Maining Arthur Jones (raitim) long las wik Sarere.

mas luksave long dispela petisen na mekim sampela samting we stap insait long pepa.

Narapela lidaman bilong Watut Petrus Young i tok planti petisen kain olsem em ol i givim long gavman pinis na i nogat luksave bilong em na dispela petisen bilong ol em las wan. Bai i nogat petisen olsem long taim bihain.

Insait long dispela pepa, ol i laikim olsem toktok bilong

graun em bikpela samting ol i mas lukluk long en, skelim gut sea we ol i kisim long maining, luksave long ol olsem papa graun tru tru bilong Watut na ol ino ken distain wok long graun bilong gavman.

Mista Wenge i tok ol i kisim dispela petisen na bai lukluk insait long 14 de na bihain toksave.

Em i tok em wanpela gavana tasol i save pait long ol manmeri bilong em

long Morobe provins. olsem na em bai lukluk insait long dispela pepa na toksave gen insait long de we ol i makim.

Mista Suwang i tok olsem long April 28 bai tupela lain wantaim bai salim 6-pela mausman bilong i go long Mumeng stesin na ol bai stretim toktok i stap insait long dispela diman pepa

Ol lain Biangai i givim petisen pepa bilong ol long Tunde long dispela wik



BALUS...PLAI ANTAP: Gavu (left) and Joshua Ramo bilong Kwapeupa Kelepapa ples long Aroma, Sentrol provins i pasim lip bilong kokonas olsem ensin bilong balus na ron i go i kam long ples las wik Sarere. Foto: Andrew Moien

## Luksave long lo

Bustin Anzu i raitim

OLGETA manmeri husait i laik long stretim hevi bilong ol i mas lusim ol samting bilong pait na sindaun na toktok em wanpela rot tasol.

Provinsel Polis Komanda (PPC) bilong Morobe, Supaintenden Peter Guinness i tokim ol manmeri bilong Watut olsem em i amamas long lukim ol i kam han nating long stretim hevi bilong ol na dispela em wanpela gutpela pasin o rot.

"Yupela planti tru i kam tasol yupela i no karim sampela samting long pait na dispela em i gutpela sain bilong stretim hevi.

"Sapos yupela i kam wantaim samting bilong pait, em bai yumi i no inap long stretim hevi," Mista Guinness i tok.

Em i mekim dispela toktok long Bulolo long Sarere taim ol lida bilong gavman i go long kisim petisen we ol lain Watut i givim.

Wanpela ten faiv kar i bin kisim ol dispela lain long Wau na tu long

namel Watut i kam long Bulolo na givim dispela petisen we moa long 5,000 manmeri i go lukim.

Em i tokim ol olsem sapos ol i no stretim dispela hevi bilong ol nau, em bai bagarapim sindaun bilong ol long taim bihain.

Mista Guinness i tok ol i gat rait long toktok long wanem hevi ol i gat tasol ol dispela em ol i mas mekim long gutpela pasin i stret na mas insait long lo yet.

Nau yet, i gat tripela polis mobail skwat i stap. Skwat 4 bilong Mosbi i stap long Hidden Veli na skwat 15 bilong Bulolo na skwat 13 bilong Lae i stap long Wau.

I gat narapela tim bilong ol polisman husait i stap tu long Wau long mekim wok painim aut long ol dispela birua i bin kamap namel long Watut na Biangai.

## Ol kantri i gat bikpela laik long wok bisnis long PNG

Paul Zuvani i raitim

BIKPELA laik long mekim invesmen o wok bisnis na wok maining nau i kam insait long Papua Niugini (PNG) bihain long gutpela ripot bilong kantri i mekim kain wok olsem.

Dispela em long wanem i no longtaim i go pinis ol kantri long Isten Yurop (Eastern Europe) i soim laik long kam insait.

Planti bilong dispela ol kantri i laikim kaikai bilong ol 'spin-op' wok long ol hap we ol wok maining i kamap long em.

Bikos long dispela kain laik i gat askim i go long ol bisnis long PNG long ol i wokbung wantaim dispela ol kampani.

Dispela em long wanem taim ol PNG kampani i bung wantaim ol kampani bilong narapela kantri ol i gat gutpela sans long sanap strong na abrusim dispela bikpela hevi bilong mani we i wok long kamap long wol.

Em ol toktok bilong Minista bilong Komes na Indastri, Gabriel Kapris, long taim em i givim toktok long bung bilong ol liklik bisnis long Mosbi long las wik.

"Ol bisnis long narapela kantri bai kam insait wantaim mani na save na yupela (ol papagraun, lokol bisnis manmeri, ol kontrakta) i mas givim ples bai yupela i ken wokbung na wok gut wantaim ol," Mista Kapris i tok.

Long las mun, Mas dispela yia, wanpela bisnis grup bilong kantri Teki (Turkey) we ol i bilong Isten Yurop i kam raun long PNG na olsem ol i soim laik long kamapim kain wokbung long bisnis.

# Wok didiman em bun bilong PNG, Se Michael i tok

Michael Novingu i raitim

"YUMI ken tingim bek ol manmeri bilong Papua Niugini (PNG), em ol lain bilong wok hat long gaden, ol fama, wok didiman i stap long lewa bilong ol long kirapim kantri i go het long nau na taim bihain.

"Mi laik tokaut olsem gavman i givim K100 milion i go long nesanel agrikalsa developmen program (NADP) long 2007 i go 2016 long kirapim invesmen developmen long wok didiman long Papua Niugini (PNG)".

Praim Minista Gren Sif Se Michael Somare i mekim dispela toktok long taim em i pasim namba 19 didiman kaunsil bung long Madang las wik Fonde.

Se Michael i tok gavman i luksave bai sapatim wok yupela i mekim long kamapim gutpela kaikai long inapim manmeri bilong Papua Niugini long go het long wok didiman.

Em i tok wok kamap bilong wok didiman bai stat long ol distrik aninit long distrik rot impruvmen program long kism sevis i go long ol komyuniti.

Se Michael i tok wokbung wantaim ol arapela lain i save long wok didiman i bikpela samting long kirapim wok i mas go het.

Long ol krismas i go pinis

wok didiman i no go het long wanem sampela samting i no stret long kirapim ikonomi o wok bisnis long wok didiman.

Sampela bilong ol samting i mekim wok didiman i no go het long wanem nogat gutpela plening na invesmen long kirapim wok got het, tasol taim yu skelim wantaim wok bilon maining na petrolium i go het gut we i kirapim ikonomi bilong kantri, Se Michael i tok.

Se Michael i tok ol plen nogat wok kamap i no save karim kaikai, bai i no inap helpim ol manmeri.

Em i tokaut long ol fama na ol arapela lain i save wok didiman (stakeholders) olsem gavman bai givim ol samting long kirapim wok didiman i go aut long ol distrik na ples bilong kantri we i gat planti manmeri i stap.

Se Michael i tok wok didiman i mas i gat wok kamap olsem na gavman bai givim sapat i go long ol wok manmeri bilong em (public servants) long kirapim wo didiman i mas go het long kirapim gutpela sindaun bilong ol manmeri long kantri.

# I nogat tarangu manmeri

Michael Novingu i raitim

Noken kolim mipela tarangu manmeri. Mipela i gat rait long stap long komyuniti wantaim yupela long helpim long kirapim ikonomi long kirapim gutpela sindaun long komyuniti.

Sampela samting yumi i no inap long mekim ol disebol lain inap long mekim, wokbung wantaim ol long wanem ol tu em maneri i gat laip na filin olsem mipela.

Bosman bilong Callan Sevis long Madang, Augustine Koroma, i mekim dispela toktok long makim disebol de long Madang las wik Sarere.

Mista Koroma i tok yumi mas wokbung wantaim ol long helpim ol long kirapim gutpela sindaun bilong ol.

Em i tok tu olsem samting yumi i no inap long mekim ol i ken mekim.

Mista Koroma i tok pasin bilong lukdaun i no toktok wantaim ol yumi mas lusim, kirapim wokbung wantaim ol disebol helpim ol long painim amamas long kain wok ol i wokim long helpim sindaun bilong ol.

Long wankain taim Gavana bilong Madang, Se Arnold Amet, i tok gavman i luksave long ol lain i helpim long lukautim ol disebol manmeri we gavman bai givim sampela helpim i go long karimaut wok bilong ol.

Se Arnold i tok, "Yumi mas helpim, sapatim ol long stretpela rot i gutpela long kirapim gutpela sindaun bilong ol.

"Noken lukdaun long ol. Toktok wantaim ol. Ol tu em manmeri i gat laip olsem mipela. Ol i gat rait long stap long komyuniti wantaim mipela," Se Arnold i tok.

Bosman bilong helt long Madang, Marcus Kachau, i tok yumi noken tok ol i tarangu manmeri, nogat yumi i mas helpim ol long painim amamas long sindaun bilong ol.

Mista Kachau i tok, "Sampela hap bilong bodi bilong ol i bagarap tasol sampela hap i orait long mekim wok olsem mipela.

"Sapos yumi i no helpim ol husat bai helpim ol?" Mista Kachau i askim.

Em i askim ol manmeri long lukautim ol yet long noken kism birua we bai bagarapim ol. Em i tok tu olsem ol mama i gat bel i mas kaikai gutpela kaikai long helpim pikinini i mas kamap gut insait long bel bilong em noken kamap disebol pikinini.

Mista Kachau i tok tenkyu long ol lain olsem Modilon Jenerel Haus Sik, Ret Kros, Divain Wod Yunivesiti, Callan Sevis, na Krietiv Self Help long soim rot wok bilong ol long pablik long helpim ol tarangu manmeri long Madang na long kantri.

# Senisim lo bilong pasin pamuk

Michael Novingu i raitim

ASKIM i go long gavana bilong Madang long kism i go long palamen long senisim (adalteri) o manmeri i mekim pasin pamuk long kamap kriminel lo sapos kot i painim manmeri i asua long wokim pamuk pasin i mas kism mekimsave inap long 5-pela to 10-epal krismas, nogat long peim kot.

As bilong dispela askim o petisen ol mama long Madang long karimaut wok painimaut i soim olsem pasin pamuk i kamap bikpela long Madang.

Presiden bilong Madang Eben Kaunsil bilong ol Meri, Angela Bugatar, wantaim moa long 500 ol meri long Madang i givim wanpela askim i go long gavana, Se Arnold Amet, long kism i go long palamen long senisim pamuk pasin lo long kamap kriminol lo long las wik Fonde.

Misis Bugatar i tok as bilong dispela askim long wanem lo nau yumi bihainim i no strong we manmeri wokim pasin pamuk i go long kot ol i peim liklik mani K1000 na i ken go het long wokim pasin pamuk.

Misis Bugatar i tokaut olsem long opis bilong em, em i save kism moa long 4-pela meri long wanepla wik long kros long ol man bilong ol i wokim pasin pamuk wantaim arapela meri.

"Mipela i painimaut tu olsem planti ol yangpela skul meri long ol yunivesiti, koles na sekonderi skul i kism gris mani, kaikai long ol bisnisman, wokman, i gat bel na i kirapim hevi long famili bilong ol," Misis Bugatar i tok.

Misis Bugatar i tok planti marit i bruk long wanem manmeri kamaut long famili bilong ol long wokim pasin pamuk long lukautim sindaun bilong ol.

Ol meri long Madang i askim ol manmeri long senisim pasin bilong ol long kirapim gutpela sindaun long famili bilong ol.

Ol i givim askim bilong ol long senisim lo long manmeri wokim pasin pamuk kamap kriminol lo long ai bilong Praim Minista Gren Sif Se Michael Somare taim em i stap long Madang las wik.



## ROTSO BILONG OL MEMBA 2009 'OPEN DE'

### TOKSAVE I GO LONG OLGETA MEMBA BILONG NAMBAWAN SUPER FAN LONG GALP NA SANDAUN PROVINS

Ol tim bilong Nambawan Super bai raun i go long dispela tupela provins long mun Epril long skulim na givim moa tok klia long Suparenuesen Fan na seving. Ol bosmanmeri na ol memba husat i laik kamap long dispela kibung i orait tasol long kam na sindaun long ol awenes sesen long ol dispela ples. Mipela bai raun long ol arapela provins pastaim long dispela yia i pinis.

WES SEPIK PROVINS	
Ples:	Vanimo Hotel
Deit:	14 na 15 Epril, 2009
Taim:	9.30 moning i go inap 3.30 apinun


Ples:	Aitape Kaunsil Semba
Deit:	16 Epril, 2009
Taim:	9.30 moning i go inap 3.30 apinun

GALP PROVINS	
Ples:	Kerema Katolik Hol
Deit:	15 na 16 Epril, 2009
Taim:	9.30 moning i go inap 3.30 apinun

Em i fri long olgeta manmeri long kam. Long kism moa toksave, ringim Kol Senta bilong mipela long 309 5311

Tok Orait i kam long:

Leon Buskens  
Menesing Dairekta - Nambawan Super Ltd

**NIUPELA**

**TOYOTA**  
**HILUX**

# Nambawan 4x4

# Dabol Keb Long PNG

## Nau i gutpela moiet long bipo

**Hilux 4x4**  
**Dabol Keb**  
**em i lida**  
**long**  
**maket**  
**bilong en**  
**long wanem :**




# K89,900

*Dráivim i go spesol!*

**Na antap long olgeta igat...**

- Strongpela 2.5 TURBO ensin
- Komonreil teknoloji long holim piul stap longtaim
- Pawa stiarng
- Ekondisin
- 4 pela spika Stirio Sistem
- I gutpela long sindaunim gut draiva na pasindia wantaim

- ✓ Em i karim strongpela nem bilong Toyota
- ✓ Ol i mekim strong long istap long PNG
- ✓ Yu ken salim long gutpela prais
- ✓ I no dia tumas long lukautim
- ✓ Em i stail moa na insait bilong em i gutpela tru



Bikpela cabin speis long insait



Niupela Stail lukluk



Bigpela bodi bilong kar.

**Ela Motors**

**TOYOTA**

Your First Choice




**Go long Ela Motors brens i stap klostu long yu na lukim watpo ol manmeri i save laikim tumas Toyota Hilux 4x4 Dabol Keb na long ol arapela modol.**

Port Moresby... Ph 3229400	Kimbe..... Ph 9835155	Wewak... Ph 8562255
Lae..... Ph 4781800	Lihir..... Ph 9864099	Vanimo... Ph 8571254
Kokopo..... Ph 9829100	Buka..... Ph 9739915	Tabubil... Ph 5489060
Madang..... Ph 8522188	Goroka... Ph 7321844	Porgera.. Ph 5479367
Mt. Hagen..... Ph 5421888	Kavieng.. Ph 9842788	Alotau... Ph 6410100

Condisins istap! . Promo baipinis long : 30/04/2009 . [www.elamotors.com.pg](http://www.elamotors.com.pg)



# OL UPNG 54th GREDUESEN POTO





# Nupela banis sut stap nau long PIH

Veronica Hatutasi i raitim

SIK KENSA long seviks o kensa long nek bilong bilum bilong bebi long ol meri em i namba wan sik ol meri long Papua Niugini (PNG) i save dai long en.

Dokta bilong ol meri long Pasifik Intanesenel Haus Sik (PIH) long Mosbi, Nesenel Kapitel Distrik, Dokta Mathias Sapuri i mekim dispela tok.

Dokta Sapuri husat em i Presiden bilong PNG Medikel Sosaiti tu, i tok sik kensa long seviks i save kilim dai samting olsem 3500 meri long PNG long wanpela yia.

Em i mekim ol dispela tok long Mande taim PIH i tokaut olsem ol i gat nupela banis sut marasin bilong kensa long seviks. Nem bilong dispela marasin Gardasil, na PIH i ol namba wan lain long

kisim dispela marasin i kam long kantri.

Dokta Sapuri i tok dispela banis sut em ol i makim ol meri krismas bilong ol namel long 9 na 26 long kisim.

Em i tok ol narapela kantri long wol i save yusim dispela banis sut na em i wok gut long ol meri long ol dispela kantri.

Dokta Sapuri i askim gavman long lukluk strong long kisim dis-

pela marasin i kam long kantri long helpim ol meri.

Em i tok tru, gavman bai peim bikpela mani long kisim dispela banis sut, tasol mani mak bilong banis sut bilong sik misels long ol bebi em namel long 4000 na 5000 bilong givim long wanpela pikinini. Mani mak bilong banis sut bilong sik kensa bilong seviks bai K800 long i go long helpim wanpela meri. Dispela em i liklik mani mak

glasim wantaim dispela sik misels.

Dokta Sapuri i tok kos bilong kisim wanpela gardasil banis sut marasin em K840. Na long banisim ol yangpela meri long sevikel kensa, ol i mas kisim tripela banis sut marasin we pe bilong tripela wantaim inap long K3,000.

Em i tok namba tu banis sut ol i mas kisim tupela mun bihain long namba wan sut. Na las sut 6-pela mun bihain long namba tu sut.

**YUMI na HIV WANTAIM**  
Fr Jude Ronayne Forde OFM



## Na sekyuriti bilong bodi?

BAI yumi banisim HIV olsem wanem? Yumi wari long dispela hevi nau long yia 2009. Las wik mi bin stori long rot binatang bilong sik AIDS, HIV, i save i go insait long bodi bilong narapela. Ol dispela rot em long pren pasin; man i prenim meri, man i prenim man. Wanpela rot bilong banisim sik AIDS em long bihainim ABC.

Leta A: "abstinence": Tambu long pren pasin.

Leta B: "Be faithful" - "stap tru" Prenim narapela, tasol yu no inap kisim HIV. Olsem tupela i no bin pren nabaut bipo - o tupela i stap tru insait long marit laip - o tupela i kisim tes long sekim ol blut bilong ol pas-taim, na i nogat HIV. Wanpela i stap tru oltaim wantaim poro bilong em.

Leta C: Sapos ol i no bihainim A na B na ol i laik go het na wokim pren pasin, ol i mas yusim kondom.

A: "Abstinence" em bilong ol lain i wokim promis insait long rilijes laip. Tu i stap long ol lain bipo ol i go het na marit. Na "abstinence" i save kamap insait long marit laip tu. Yu putim tambu long yu yet long wanem yu man bilong tok tru antap na laikim narapela.

B: "Be faithful", o "stap tru", i stap insait long plan-ti samting bilong laip. Yumi manmeri i save sekhan na mekim promis na tok tru antap. Long marit laip i gat bikpela kontrak na tok tru antap long en. Long marit laip yu prenim wanpela tasol. Sapos yu tupela i stap tru, yupela i no inap wari long kisim HIV.

C: "Condom" o kondom o karamap. Olgeta taim yu yusim kondom bai yu wari sapos kondom i bai wok gut o nogat. Sampela lain i tok kondom i save wok gut long 99 pesen (%). Katolik Sios i tok kondom i save wok gut long 87 pesen. Long PNG kondom i no wok gut long wanem ol man yet i les long yusim, o ol man i spak, o kondom i no wok gut. Pasin bilong putim kondom na mekim pasin pamuk em rot bilong man o meri i laik amamasim em yet na i no tingim ol arapela manmeri (selfish). Ol i no wari bai olsem ol narapela i ken kisim HIV. Pop Benedict, tupela wik i go pinis, i tokaut klia olsem kondom i no inap banisim AIDS. Tok bilong pop i tru olgeta.

ABC i no inap wok gut sapos wanwan manmeri i no klia olsem yu inap kisim HIV long pren pasin. Long banisim HIV olgeta, wanwan manmeri i mas save long dispela birua. Olgeta komyuniti i mas sindaun wantaim na stretim tingting long we bilong lukautim ol lain bilong ol. Yumi save tok long "sekyuriti" long benk, stua na long haus. Tasol, olsem wanem long sekyuriti long bodi bilong yupela long stopim HIV.

Birua long laip bilong yumi i stap - em HIV. Bai yu kisim dispela sik o nogat? Bekim bilong dispela askim i stap long han bilong yumi wanwan. Yu, na poro bilong yu, i bihainim A na B bai yu orait; noken wari. Tasol, sapos yu i bihainim C o yu pamuk nabaut nating. Sori tru. Wanpela de bai yu krai planti.

# FREE TALKTIME IDD OffPeak

Make calls to the following countries for **Less/min** during off-peak hours on Land lines and save...

## Massive Reduction!

**60¢/min**

ARGENTINA MALAYSIA  
AUSTRALIA MEXICO  
AUSTRIA NETHERLANDS  
BELGIUM CANADA NEW ZEALAND  
CHILE NORWAY  
CHINA PERU  
DENMARK POLAND  
FRANCE PUERTO RICO  
GERMANY RUSSIA  
GREECE SINGAPORE  
GUAM SPAIN  
HAWAII SWEDEN  
HONG KONG SWITZERLAND  
HUNGARY TAIWAN  
ISRAEL THAILAND  
ITALY UNITED KINGDOM  
JAPAN US VIRGIN IS  
USA

**79¢/min**

ALASKA BAHAMAS LIÉCHTENSTEIN  
BANGLADESH LUXEMBOURG  
BRUNEI MARIANA IS  
BULGARIA MONACO  
COLOMBIA PANAMA  
CROATIA 28 x 5  
CYPRUS TELIKOM  
CZECH R  
ESTONIA  
FINLANE  
GIBRALT  
INDIA  
IRELANE  
JORDAN

**89¢/min**

ALBANIA MOZAMBIQUE  
AMERICAN SAMOA NAMIBIA  
BERMUDA NETH. ANTILLES  
BOLIVIA NIGERIA-LAGOS  
CAMBODIA PARAGUAY  
CAMEROON SAUDI ARABIA  
COSTA RICA SERBIA  
EL SALVADOR SEYCHELLES  
GHANA SLOVENIA  
INDONESIA SRI LANKA  
KENYA SWAZILAND  
KUWAIT TAJIKISTAN  
LEBANON UKRAINE  
LITHUANIA URUGUAY  
MACAO UZBEKISTAN  
MACEDONIA VIETNAM  
MALTA YUGOSLAVIA  
MAURITIUS ZIMBABWE  
MONGOLIA

Talk Longer NOW!

OFF-PEAK HOURS  
MONDAY TO SATURDAY  
8pm to 6am  
AND WHOLE DAY  
ON SUNDAY.

Telikom Sales: Ph: (675) 300 4046  
Fax: (675) 323 3653

Email: sales@telikompng.com.pg  
Website: www.telikompng.com.pg



TELIKOM PNG LIMITED  
Always there!

This offer ends 30th April, 2009

# Ol sumatin pilai musik long strongim kalsa



Foto: James Kila

**SOIM PILAI:** Tupela memba bilong Kerowagi kontemporari ats tieta em man Wela na meri i ekt taim Kupsy ben i pilai long UOG.

## James Kila i raitim

**WANPELA** grup gret 8 sumatin bilong Kup Praimeri Skul long Kerowagi distrik long Simbu provins i kamapim wanpela kain wok long strongim kalsa o pasin tumbuna wantaim musik.

Dispela ol sumatin i statim wanpela grup ol i kolim 'Kupsy ov Simbu' we ol i laik bungim pasin tumbuna na tu waitman musik o ben long strongim kontemporari musik.

Ol dispela lain sumatin i kisim gupela sapat i kam long ol tisa long Kup olsem Tony Lari, James Tumun na James Waim long strongim save bilong ol long pilai musik.

Mista Lari em yangpela brata bilong wanpela strongpela singa na musikman bilong Simbu long 1990's em Tom Lari.

Mista Lari i lukautim saun o krai bilong musik na i save pilai kibot na narapela wanwok bilong em Mista Waim i save helpim

long singsing long dispela ben.

Ol sumatin husat i pilai insait long ben em Thomas Martin (singsing), Thomas Tumun Jnr (bes gita), Simon Wangi (lid gita) na John Sine Kai (ritem gita).

Dispela ben em ol yangpela sumatin bilong Kup Praimeri Skul i bin bung wantaim Kerowagi kontemporari ats tieta long pilai musik na soim sampela ol ekt long las wiken i go pinis long Goroka.

Ol i bin pilai long Yunivesiti bilong Goroka (UOG) Mark Solon Auditorium, na bihain ol i pilai long Raun Raun Tieta long neks de long 1 kilok i go 3 kilok long apinun.

Ben menesa James Tumun i tok olsem dispela raun bilong ol i go long Goroka em namba wan taim tru long go aut long Simbu provins na ol i amamas long dispela.

Mista Tumun i tok tenkyu tru long dairekta bilong Kerowagi Kontemporari Ats Tieta Grup, Jane Awi, na kodineta Rose Mary, long luksave long save

bilong musik bilong ol dispela sumatin na bringim ol i go aut long provins.


Mis Awi i bin tokaut olsem bikpela tingting bilong KCATG em long strongim ol pasin tumbuna bilong hap bilong ol long. Dispela bai i ken helpim ol yangpela manmeri long save long pasin tumbuna na bihainim.

Em i tok nau long dispela taim planti ol yangpela manmeri i save go tumas long ol pasin bilong ol waitman, olsem na dispela grup i bungim pasin bilong ol waitman olsem ben na tu ol pasin tumbuna long ekt olsem kontemporari.

Mista Tumun i tok olsem ol dispela lain sumatin i gat bikpela tingting long strongim save bilong ol long pilai musik na go strong long taim bihain.

Ol boi bilong Kupsy ov Simbu i bin pairapim sampela ol nupela musik olsem ol dispela we i save kamap long radio olsem 'Take me to Paradise' bilong Skwatas bilong Morata taim ol i pilai long dispela so long Goroka.

# Sios senta givim ol desk long skul



**AMAMAS:** Ol sumatin bilong Diguarobu praimer na ol elementeri skul wantaim ol nupela desk bilong ol.

SAIMON bilong Sairin Senta (SCC), wanpela senta bilong sios i mekim amamas ol sumatin bilong Diguarobu Katolik Praimeri na ol elementeri skul insait long Rigo distrik long Sentrel provins, taim ol i givim ol desk o tebol bilong rait na ol arapela skul samting.

SCC i bin givim ol dispela samting long wanwan skul bilong ol pikinini i nogat papamama i skul long ol dispela skul.

Aninit long wanpela ofen (pikinini i nogat papamama) program em Wod Kaunsila Patrick Amau Kone yet i kirapim.

Dispela program i lukim skul fi helpim, ol skul yunifom na ol arapela skul samting olsem buk na pen.

Olgeta dispela samting em Bruder Jack Iremonger (De La Salle), Bruder Francis (OFM), Pater Jude Ronayne-Ford (OFM) na Maria Amau, meri i save wok long Saimon ov Sairin Senta.

Taim ol i givim ol samting long skul, Pater Jude i tok olsem Saimon ov Sairin Senta em i ples ol i save givim kaunseling o stia tok na sekim sijk AIDS. Ol i save lukautim tu ol lain pikinini i nogat papamama.

Dispela program i kam aninit yet

long Katolik Sios long Mosbi. Em nau, Asbisop Brian Barnes yet i bin mekim dispela wok.

Mani bilong dispela program i kam yet long Katolik Sios bilong kantri Ostralia (Austria).

Pater Jude i tok, maski SCC i kam aninit long SCC, em i save sponsaim ol sumatin bilong ol arapela lotu tu, sapos ol i nogat papamama moa. SCC i bilip olsem olgeta pikinini i mas kisim helpim.

Dispela yia, program i bekim askim Mista Kone long helpim biiong 70 sumatin.

Em long wanem em i namba wan taim SCC i helpim long sponsaim ol sumatin i stap long ples.

Em i tok tenkyu long UNICEF long sponsaim program aninit long Simons Children long 2008 na ol arapela dona i givim ol desk, steseneri na klos long ol tarangu pikinini long Diguarobu praimer na elementeri skul.

Hetmasta bilong skul, Gwaibo Lako i tok tenkyu long SCC long ol samting, na tok olsem ol desk em ol sumatin i mas i gat tru. em i tok tenkyu long Mista Kone long kirapim kain program olsem.

## Bumayong hai bai lukautim kem

### Paulus Tali i raitim

**DISPELA** Ista wiken i kam bai lukim olgeta skul bilong Luteran sios long Morobe i go bung long Bumayong Hai Skul long luksave long dai na kirap bek bilong Jisas Kraus.

Wanpela bikpela Ista kem bai op long tude (Fonde, Epril 9) na bai ron i go inap neks wik Mande. Olgeta Luteran hai skul long Morobe yet, na tu long Hailans bai kam bung na bringim tingting bilong ol yangpela bilong sios, long save moa long tok

bilong god.

Long kem, ol sumatin bai mekim baibel stadi aninit long het tok, "Pawa na Kirap Bek na Laip".

Astingting bilong givim dispela kain baibel skul em bilong strongim save bilong dai na kirap bek bilong Jisas.

Dispela kain bung i save bungim ol pikinini Luteran na skulim ol long save moa long tok bilong bikpela, nogut ol i ting Ista em i samting nating.

Em i no de nating. Em i gat kalenda bilong

ol taim ol i mas tingim tu krais long laip bilong ol.

Namel long 800 na 1500 skul sumatin long olgeta Luteran hai skul bai kamap na harim tok bilong God, long strongim bilip, wok-about bilong ol olsem ol tu pikinini bilong Luteran, long nau na bihain.

Wanpela skul bilong Luteran em susa skul bilong Bumayong, em kam wantaim bikpela namba bilong ol sumatin bilong em. Em i bihainim mak na bilip ol i gat long kain luksave bung olsem.

## Ol Jeman Lutheran lukim PNG

Veronica Hatutasi i raitim

LUTERAN Sios long Papua Niugini (PNG) i save wokbung gut wantaim bikpela sios long Bavaria, Jemani (Germany).

Long dispela as wanpela grup bilong sios long Bavaria i bin kam long PNG na go raun long sios long Morobe provins long ol hap olsem Finsafen, Madang provins long ol hap olsem Karkar, long lukim na strongim dispela wokbung.

Bikpela tingting bilong raun bilong dispela grup i kam long PNG, em long glasim wok bilong Lutheran Sios long PNG.

Wanpela meri husat i bin kam wantaim dispela grup em Marion Struck-Garbe.

Marion i tok em i wok long Pasifik Netwok desk bilong Spesel Projeks wantaim Bavaria Lutheran Sios long karimaut ol wok awenes long kaisa, busgraun na wok politik long Saut Pasifik rijen.

Marion i bin wok long PNG 10-pela yia i go pinis. Em i bin lusim PNG long go bek long asples bilong em Jemani, em i no lusim tingting long PNG. Em i save tokim ol manmeri long kantri bilong em olsem PNG em i gutpela kantri

Wanpela man husat i bin kam wantaim grup em Dieter Warncke. Em i lusim wok bilong em pinis olsem wanpela jilologis, tasol wanpela hap wok em i save mekim nau em i wok wok em long bungim ol stem bilong PNG.

"Mi amamas tru long bungim ol PNG stem.

"Bikpela laik bilong mi em long bungim olgeta Pisin bilong Paradais, pasin tumbuna na ol plant bilong PNG stem," Mista Warncke i tok.

Em i tok em i amamas tru long kam long PNG we em i lainim planti samting long kaisa, laip, busgraun na histori bilong kantri (PNG) long ol stem em i bungim bipo yet long taim Australia na Jemani i lukautim PNG i kam inap nau.

Grup i bin gat long em planti ol lain i lusim wok na i stap malolo na ol i laik lukim ples na givim sapot long ol wok bilong sios we i kamap long PNG.

Ol i bin raun i go long Is Nu Briten provins tu na lukim maunten paia na ol pasin tumbuna bilong ol manmeri long provins.

Grup i bin lusim PNG las wik Fraide long go bek long Jemani.

## Tingim ol han bilong Jisas

OL HAN bilong Jisas i gat nem bilong yu na mi. Ol han bilong em i soim tru olsem em i kirap bek long matmat. Em i bin tokim Thomas. "Lukim ol han bilong mi..."

Dispela em toktok bilong Presiden bilong Evangelikal Lutheran Sios bilong Papua Niugini (PNG), Papua Distrik, Reveren Sommy Setu.

Reveren Setu i tok olsem long dispela taim bilong Ista em i gutpela long yumi long tingim ol dispela han bilong Jisas wantaim ol mak bilong ol.

"Ol han na ol mak long ol han i ken tokim mipela kain kain samting long wanpela man o meri.

"Sampela han i gat ol mak we ol i bin kisim bagarap.

"Sampela han i gat nogat olgeta pinga long ol.

Sampela han i soim olsem dispela man o meri i sik o i sik.

"Ol han i ken soim sapos dispela man o meri i yangpela o lapun.

"Na ol han i ken soim olsem

dispela man i opis man ol man bilong wok ausait.

"Jisas em wanpela kamdaman (kapenta). Ating em i bin i gat ol mak bilong wok bilong em.

"Tasol ol mak long han bilong em we mipela i mas tingim, em ol mak em i bin kisim bihain long laip bilong em taim ol i bin nilim em i go long diwai kros.

"Pen em i mas pilim long dispela taim em yumi i no inap save. Ol nil i mas i bin mekim ol bikpela hul long namel bilong ol han bilong em.

"Long wanem as tru na em i kisim ol dispela mak? Bilong yu na mi na olgeta manmeri, bai yumi husat i bilip long em i ken i gat laip oltaim oltaim," Reveren Setu i tok.

Taim yumi luksave long Gut Fraide, yumi i mas tingim ol mak long han bilong Jisas na amamas wantaim olgeta santu long amamas bilong Ista moning. Reveren Setu i tok

**STORI TASOL**  
WANTAIM  
Fr Liwun



## Rot bilong Kruse na Ista

EM I wanpela bikpela selebresen bilong Katolik Sios na em i save kamap olgeta yia. Ol Katolik manmeri i save tingim pen na dai bilong Jisas long taim bilong Len. Dispela i save helpim ol long mekim wok mari-mari long taim bilong Len.

Olgeta Fraide, long Erima peris, ol manmeri i save bung long apinun long wokim lotu bilong Rot bilong Kruse stat long namba wan stesin inap long namba 14 stesin.

Planti yia i go pinis, wanpela gutpela pasin i bin kamap long Asdaiosis bilong Pot Mosbi. Dispela pasin i bin kirap long Erima peris. Dispela pasin i bin we Long Gut Fraide, ol manmeri i wokim lotu Rot bilong Kruse stat long Erima na wokabaut namel long bikrot bilong Mosbi i go kamap long Santu Mary Katitrel. Long dispela taim inap nau, planti Katolik manmeri wantaim sampela manmeri bilong ol narapela sios, i save bung wantaim long dispela bikpela lotu, wokabaut wantaim kruse (diwai kros), prea na singsing.

Sampela yia i go pinis, ol i bin senisim ples bilong statim Rot bilong Kruse. Bipo Rot bilong Kruse i save stat long not is bilong Mosbi (Erima), tasol nau ol i save statim dispela wokabaut long not wes bilong Mosbi (Gerehu na Waigani). Long dispela yia, wokabaut bai stat long Waigani peris na i go kamap long Don Bosco/Gabutu.

Olgeta yia namba bilong ol manmeri i wokabaut long lotu Rot bilong Kruse i kamap bikpela moa. Planti manmeri i amamas tru long wokabaut long soim bilip bilong ol na tu long strongim moa bilip bilong ol.

### Bilong wanem kruse?

I bin i gat 10-pela man husat i bin karim kruse i go antap long maunten. Antap long maunten, ol i bai kisim pe bilong ol. Olgeta kruse em i wankain sais na wankain hevi tasol.

Namel long rot, 9-pela man i belhat na i tok olsem kruse i hevi tumas. Ol dispela 9-pela man i kisim ol tamiok na katim ol han na lek bilong ol kruse bilong ol. Ol kruse bilong ol i no hevi moa na ol i amamas long karim. Ol i wokabaut hariap tru long wanem ol kruse bilong ol i no hevi moa. Wanpela man tasol i no bin katim kruse bilong em. Em i wokabaut isi stret long wanem kruse bilong em i hevi yet.

Ol 9-pela man husat i go pas i kamap long wanpela wara. Wara i taik na ol i painim hat long brukim. I nogat bris. Ol 9-pela man i sindaun na tingting planti. Bai ol i go long hapsait bilong wara olsem wanem?

Ol 9-pela man i sindaun tingting planti stap na man husat i no bin katim kruse bilong em i kamap. Isi tasol em i slipim kruse bilong em olsem bris na wokabaut i go long narapela sait bilong wara. Dispela man tasol i kisim bikpela pe bilong em. Ol 9-pela man i no kisim pe bilong ol long wanem ol i katim ol han na lek bilong ol kruse bilong ol. Nau ol i no inap brukim wara. Ol i sindaun na krai sori i stap.

Kruse bilong Jisas em i hevi. Tasol hatwok bilong Jisas long karim kruse bilong em i go antap long Maunten Kalvari, i bin givim nupela laip long olgeta manmeri i bilip long em.

Tingim gut. Hevi na hatwok bilong yumi i save bringim gutpela taim na amamas.

# Tingim pen bilong ol narapela manmeri tu

Veronica Hatutasi i raitim

Dispela Ista, taim yupela tingim pen Jisas i bin karim long kruse (diwai kros), tingim tu pen bilong ol narapela manmeri i wok long pilim nau yet.

Em toktok bilong Pater John Wilio bilong Santu Charles Lwanga Katolik peris long Nesenel Kapitel Distrik (NCD), long Pam Sande selebresen long peris las wiken.

"Olsem ol Kristen manmeri, yumi tingim ol hevi, pen na dai bilong Jisas.

"Yumi tingim dispela na yumi tingting long taim bihain. Yumi no laikim wankain samting olsem long kamap gen.

"Yumi tingim dispela na yumi yumi tingim ol narapela manmeri long wol tude husat i wok long bungim hevi, pen na dai," Pater John i tok.

Santu Paul Lwanga peris i bin selebretim misa lotu bilong en long sios graun bilong en long Gerehu. Moa long 500 Katolik manmeri i bin bung long pre na singsing long givim biknem long Papa God long salim pikinini bilong em Jisas i kam long graun na karim hevi, pen, na dai long ol rong bilong olgeta manmeri.

Long statim misa lotu, olgeta i bin wokim prosesio na bung raunim ol han bilong pam. Pater John i bin pre na blesim ol pam. Bihain long dispela, i




**BLESING:** Pater John i redi long blesim ol han bilong pam.

bin gat prosesio gen i go long hap we misa lotu i kamap.

Long kalenda bilong ol Kristen sios long wol, stat long las Sande i go long Ista Sande em "Holi Wik". Tude em de we ol Kristen long wol i bai tingim laspela kaikai bilong Jisas wantaim ol aposel bilong em. Fraide em Gut Fraide na Sande bai Ista Sande.

Ol Kristen long Papua Niugini (PNG) na wol bai i gat ol sios sevis long tude i go inap inap Sande. Long NCD tumora, Ol Katolik manmeri bai wokabaut long Rot bilong Kruse. Planti tausen manmeri bai wokabaut, pre na singsing, long tingim wokabaut; hevi, pen na dai Jisas i bin bungim moa long 2000 yia i go pinis long rausim sin bilong ol manmeri na givim ol laip oltaim oltaim.



**TINGIM:** Ol pikinini i holim ol han bilong pam long tingim wokabaut bilong Jisas long pam Sande. *Ol Foto: Veronica Hatutasi*

# Mama na tupela pikinini i dai

# Dem Carol i no amamas long ol siti rensa

**Bustin Anzu i raifim**

TUPELA pikinini wantaim mama bilong ol i dai long Wau, Morobe provins, bihain long graun i bruk na karamapim ol.

Dispela hevi i bin kamap long Maus Kaindi setelmen long Wau bihain long traipela ren na graun i bruk.

Provinsel polis komanda supaintenden Peter Guinness, i tok tupela pikinini, wanpela husat i gat 6-pela kris-mas na narapela husat i gat 8-pela kris-mas, i bin slip insait long haus bilong ol wantaim mama bilong ol taim graun i bruk na karamapim haus bilong ol. Ol i painim bodi bilong ol tripela famili na kisim i go long mog long Angau, Mista Guinness i tok.

Papa bilong ol em wanpela sekyuriti gat na em i no bin stap wantaim ol famili bilong em taim dispela hevi i bungim ol.



**BRUKIM I GO:** Wanpela kar i brukim wara Kumalu maski em i tait. Ol bikpela ren i wok long kamapim kain kain hevi. *Poto: Bustin Anzu*

Ol dispela famili em bilong Pindiu long Fin-schhafen, em i tok.

Long wankain taim tu, ol ples olsem graun i bruk na pasim bikrot long Asmambu, Kiroro Maket, Kiroro Sagayo, Sialum Mona, Sek Poin, Ms Booth na Klipsait 3 seksen klostu long Wau. I bin ren long Fonde nait na dispela i mekim ol graun arere long rot i bruk i go daun na pasim rot na ol wara i tait.

Long Mumeng, Wara

Kumalu i tait na pasim rot olsem na ol kar i laik go long Bulolo o Lae i nogat sans.

Wara i karim ol pipia na graun malummalum i go antap long rot na mekim laip bilong ol kar na manmeri tu i hat long brukim. Olsem na planti bilong ol kar na manmeri i no brukim wara na go long narapela sait.

Planti bilong ol dispela bikpela haiwe kar i go bek long wanem hap

ol i kam long em.

Lokol memba bilong palamen Sam Basil i tok em i toksave long tingting bilong em pinis long Dipatmen bilong Woks long haiwe bilong Wau na Bulolo.

Mista Basil i tok olsem em bai toktok wantaim rijenel woks menesa Brian Aloise long ol bai yusim dispela K9 milion bilong Wau Bulolo Haiwe olsem wanem.

MEMBA bilong Palamen, Dem Carol Kidu, i laik bai ol i mas mekim samting agensim ol man em i kolim long 'siti rensa' husat i save stilim samting long ol meri i sindaun maket long Mosbi, Nesenel Kapitel Distrik (NCD).

Redio Australia niusman, Firmin Nanol, i ripot olsem, Gavana bilong NCD, Powes Parkop, i kisim ol yangpela man bilong wok olsem ol siti rensa bilong klinim Mosbi na rausim ol manmeri husat i save salim buai long ol pablik hap olsem ai bilong ol opis, ol stua na ol bas stop.

Em i tok pasin bilong kaikai na

spetim buai i mekim biktaun i luk nogut.

Dem Carol i tok ol dispela siti rensa i save yusim ol hap ain na hap diwai na ronim, paitim na bagarapim ol meri i sindaun salim buai na ol narapela samting.

Dem Carol i tok em bai askim Mista Parkop long tokim ol dispela siti rensa long stopim dispela kain pasin long wanem em i tok, em i brukim lo.

- *Stori i kam long ABC Radio Australia*

# YWCA autim belsori long dai bilong Ledi Los

YANG Wimens Kristen Asosiesen (YWCA) bilong Papua Niugini (PNG) i autim belsori bilong en long dai bilong wanpela long ol namba wan meri husat i sanap strong long banisim ol rait bilong ol PNG manmeri, Ledi Hilan Los.

Nesenel Presiden bilong YWCA, Elizabeth

Joseph i tok Ledi Los i bin wanpela long taim memba bilong YWCA na i bin givim bikpela wok sevis tru long YWCA na ol meri bilong kantri.

"Ledi Los i bin wanpela strongpela meri husat i bin pait long strongim ol human rait long dispela kantri.

"Em i givim planti helpim tru long ol meri i save kisim bagarap long pasin pait long haus, skin bilong ol na ol arapela birua," Mišis Joseph i tok.

Em i tok YWCA i amamas tru long wok wantaim Ledi Los long wok bilong em.

Swit Smail



**MERI AROMA:** Smail bilong dispela meri Aroma i moa yet taim em i danis wantaim ol arapela long wanpela bung long amamasim raun bilong deputi praim ministra, Dokta Puka Temu, i go long ples Kwapeupa Kelepana long Sentrel provins las wik Sarere. *Poto: Andrew Molen*

# WANTOK KOMENTRI

## Tingim Ista, tingim narapela

### HEPI ISTA PAPUA NIUGINI

LONG makim sakrifais Kraiss yet i mekim taim em i givim laip bilong em bilong sevim yumi ol manmeri, ating i mobeta yumi lukluk long astingting bilong Ista, na bihainim long laip bilong yumi.

Pasin Santu Kraiss i mekim taim em i lusim laip bilong em bilong yumi, i soim tru pasin bilong laikim arapela. Maski yu i no save long em.

Yumi olgeta i ken kisim skul long dispela pasin bilong tingim arapela.

Em i noken wanpela longpela wiken bilong amamasim yumi nating taim i nogat luksave long astingting tru bilong Ista.

Long dispela longpela wiken, bai i gat ol wantok bilong yumi i hatwok i stap. Planti bai no inap stap sindaun wantaim famili. Ating i gutpela yumi tingim ol.

Olsem ol lain i wok long haus sik, ol polismanmeri, ol ambulens draiva na wokmanmeri, ol sekyuriti gat, ol pasto, bruder na pater. Na moa yet, ol pikinini.

Ol hevi na kros i kamap long kantri bilong yumi long ol wik na mun i go pinis, i mas strongim tingting bilong yumi long bihainim gut stretpela tingting na sindaun.

Long las yia i kam inap nau, bikpela toktok i go kam yet long mak bilong minimum wejes o potnait pe bilong ol wokmanmeri bilong yumi.

Dispela samting em i olsem yu harim tasol stori bilong em, tasol i nogat klia luksave long samting tru tru i kamap. Nogat.

Na taim ol memba bilong palamen i apim pe bilong ol, planti manmeri i no wanbel.

Watpo bai ol lida olsem husat i wok kisim planti mani pinis bai apim pe bilong ol gen? Na ol tarangu manmeri long ples na ol liklik wokmanmeri? Bai ol i



olsem wanem nau?

Luksave i mas stap.

Long dispela taim bilong Ista, tingim ol lain manmeri husat i no save kisim inap luksave long hatwok bilong ol.

Sapos ol i hatwok bilong oraitim ara-

pela o sindaun bilong ol arapela, ol yet tu i mas kisim luksave.

Wanbel wantaim papa, mama, brata, susa na wanfamili. Wanbel wantaim wantok, wanbel wantaim ol lain manmeri long ples yu stap long en.

Tingim laip bilong Kraiss, we em i lusim bilong sevim yumi. Sapos yumi olgeta long Papua Niugini i tingting olsem, ating bai yumi orait. Laka?

**WANTOK**

Published Weekly, Thursday, for Word Publishing Company, Ltd.  
P.O. Box 1982, Boroko, NCD  
Papua New Guinea  
Telephone: (675) 325 2500  
Fax: (675) 325 2579  
Email: editorial@wantok.com.pg

Pe bilong wanpela yia  
52 niuspepa

<b>Ples:</b>	<b>Air:</b>
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager  
Elizabeth Konga

Editor  
Neville Choi

Published at  
Section 58, Allotment 3  
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

## Ol papagraun pati tumas long Mosbi

TRU TUMAS. Ol bikman na lidaman bilong ol wel (oil) na ges provins olsem Sauten Hailans i wok long yusim bikpela mani tru long dring bia, pilai laki, raun wantaim ol yangpela meri na slip long ol hotel long Mosbi.

Taim ol bikman bilong ol dispela provins i gat ol risos olsem i holim mani long han bilong ol long Mosbi, oloman, amamas bilong ol i save moa yet.

Dispela bikman husat i bin tokaut long dispela niuspepa long dispela pasin em i no giaman. Em tok tru stret long pasin bilong ol lain wantok bilong em.

Planti bilong ol dispela bikman na lidaman bilong Sauten Hailans provins em ol papagraun tru bilong ol dispela wel na ges.

Sapos yu i go long opis bilong Minerel Risos Develop-



men Kampani (MRDC) long Waigani, bai yu lukim ol dispela papagraun pulap ausait long opis. Ol i wet long kisim royalti mani bilong ol. Taim ol kisim, teksi draiva i wet pinis long kisim ol raun long ol kain kain hap ol laik amamas na painim pati long en.

Ol dispela papagraun i gat planti poro tu long Mosbi. Taim ol wokabaut, ol soldia bilong ol save raun wantaim ol olsem bodi gat. Sampela bodi gat em ol draiva na sampela bodi gat em ol lain bilong kisim ol yangpela meri na givim ol. Sampela bodi gat em ol lain we ol bin dinau mani long ol na yusim inap ol kisim royalti mani bilong ol nau bai ol bekim.

Planti taim dispela pasin i

kamap. Noken ting ol dispela papagraun bai kisim mani bilong ol na go bek long ples na amamas wantaim meri pikinini na ol famili bilong ol. Nogat. Ol bai pinisim laik long Mosbi.

Yu raun olsem long ol asples bilong ol Papua olsem long Porebada, Hanuabada, Elavala, bai yu lukim ol papagraun bilong Sauten Hailans i gat nem i stap. Ol i gat ol liklik tred stua na ol i gat sait famili bilong ol stap. Sampela liklik ges haus na hotel long Mosbi tu em ol i gat akaun i stap. Ol save slip kirap long ol dispela ges haus na hotel wantaim ol meri na dring bia na amamas moa yet.


Dispela bikman long ples husat i bin kros tru long las wik na toktok long niuspepa em i no giaman. Em tok tru stret. Ol dispela papagraun kam tromoi bikpela mani tru long pati na amamas raun long Mosbi na ol no tingting long karim mani go

bek long ples na mekim sampela gutpela samting long asples bilong ol.

Ating ol ting olsem ol wok developmen na sevis long ples em wok bilong ol papagraun asosiesen na gavman long kamapim? Sapos ol traim putim sampela mani go bek long kirapim ol liklik wok bisnis bai ol tu inap long kirapim asples bilong ol. Ol inap long wokim gutpela haus, sanapim ol liklik stua na ol liklik wok bisnis we i ken strongim ol famili bilong ol long bihain taim bihain.

Em wanem kain pasin yumi laik soim ol pikinini na famili bilong yumi?

Tingim, dispela wel na ges bai pinis long taim bihain. Na wanem samting yu sanapim nau long makim dispela kaikai bilong wel na ges bilong yu? Noken tingim amamas bilong wan de tasol.



**WIN WANTAIM 115 KRISMAS:** Em i no yangpela moa. Dispela meri, nem bilong em Gertrude Baines. Em i gat 115 krismas. Em i brukim wol rekot long stap laip longpela taim tru. Long luksave long dispela, mansave bilong Gines Wol Rekot (Guinness World Records) em ol lain i save rekodim ol rekot long ol manmeri long wol. Em i givim wampela setifiket long Gertrude long makim em olsem nambawan lapun meri long wol i win wantaim 115 krismas na i stap laip yet. *(AP Poto i kam long AAP Images/Damian Dovarganes)*


**SUPIA INSAIT LONG HET:** Dispela ol piksa i soim het bilong wampela man long kantri Brasil. Wampela longpela hap maus bilong supia i go insait long het bilong em. Tasol em i no dai. Long piksa bai yu lukim het bilong dispela man, na bai yu ken lukim maus bilong supia, longpela bilong em inap 6 insis (15 sentimita). Ol dokta i rausim dispela hap supia long het bilong em na em i orait yet. *(AP Poto i kam long AAP Images/Ricardo Moraes)*



**BRUKIM WARA:** Tait wara nau i kamap klostu klostu long kain kain kona long ples graun. Pundaun bilong ren, em nau i no olsem bipo. Nau taim ren i pundaun, em i pundaun i stap longpela taim tru. Long dispela poto, wampela man i wokabout brukim taitwara long siti Bogota long Kolombia. Olgeta haus long siti i sindaun long wara bihain long bikpela ren i pundaun. *(AP Poto i kam long AAP Images)*



**BUNGIM TRUPS:** Presiden bilong Amerika, Barack Obama, i bin raun i go long Irak long lukim ol soldia bilong US i pait i stap yet long hap. Maski pait i ron yet, Obama i no toksave na i go kamap long hap. Em i toktok long ol soldia bilong em na em i tokim ol olsem taim i kam klostu long isi isi lusim Irak na kisim olgeta soldia i go bek long Amerika. Em i tokim ol olsem taim em i sanap resis long presiden ileksen, em i bin tok olsem em bai pinisim dispela woa long Irak, na em i laik mekim yet. Presiden Obama i bin raun i go long planti ol kantri dispela wik. Taim em i go long Syria, em i klostu bungim hevi long han bilong wanpela man i giaman olsem niusman na laik sutim em wantaim naip. Ol bodigat bilong Obama i painim em long taim yet na ol i holim pasim dispela man. Em i no bin kamap klostu long Obama long sutim em wantaim naip. *(EPA Poto i kam long AAP Images)*



**KROS LONG GAVMAN:** Mipela i no wanbel! Ol lain sapota bilong bipo praim minista bilong Tailen, Thaksin Shinawatra i bikmaus ausait long haus bilong top advaisa bilong King Bhumibol Adulyadej, Prem Tinsulanonda. Ol i tok em i bin go pas long rausim gavman long 2006. Praim Minista i stap nau, Abhisit Vejjajiva i no laik harim askim bilong ol long lusim wok bilong em. *(AP Poto i kam long AAP Images)*

**ASUA PINIS:** Wanpela man bilong sindaun long hos long resis ol i save kolim rodeo i abrus pinis taim hos i sakim rausim em. Dispela man em man Uruguay. Dispela wik Tunde em wantaim ol wanlain bilong em i resis long dispela hos resis. Ol i mekim dispela long makim holi wik bilong Ista. Ol i save resis long husat tru bai namba wan man bilong ronim hos.

*(AP Poto i kam long AAP Images)*

**TOK PISIN NEWS**  
from Radio Australia  
radioaustralia.net.au

Harim TOK PISIN long  
Radio Australia  
**101.9FM**  
Port Moresby

Tok Pisin Service  
6am - 7am 6080; 7240(KHZ)  
7pm - 9pm 5995; 6020; 9710; 1280(KHZ)

## Ol Pasifik kantri wari long PACER Plus agrimen

Australia i wok long kisim sapot bilong ol Pasifik ailan kantri long sainim wanpela fri tred agrimen.

Tasol sampela savemanmeri bilong tred bilong Pasifik i autim wari bilong ol long we Australia i soim strong bilong en long ol gavman husat i save kisim planti helpim mani (aid) long Australia, long sainim agrimen ol i kolim "PACER Plus" fri tred.

Pasifik niusman Campbell Cooney i ripot olsem Minista bilong Tred bilong Australia, Simon Crean, i raun long Pasifik long dispela wik long traim senisim tingting bilong ol gavman bilong sampela liklik ailan kantri, long sapotim dispela agrimen. Dispela agrimen em ol i tok, leba gavman bilong Prais Minista bilong Australia, Kevin Rudd, i tok bai mekim gut tred na daunim prais.

Bihain long namba wan bung bilong em wantaim Gavman bilong Vanuatu, Mista Crean i tokim ol lokol ripota olsem ol lida bilong Vanuatu i soim sapot bilong ol long dispela agrimen.

Tasol Minista bilong Tred bilong Vanuatu, James Bule, i bin tokim Redio Australia pas-taim olsem i nogat wanpela tok promis ol i mekim long Vanuatu bai sainim dispela agrimen.

Sampela Pasifik kantri i wari olsem dispela agrimen bai mekim na kantri bilong ol bai pulap long ol 'cheap import' bilong Australia, na bai pasim ol arapela ekspot maket ol i gat long dispela taim.

## Ol bikpela fainens lain i amamas long G20

Bikpela fainens grup bilong Australia i tok welkam long ol 'resolusen' o disisen ol i mekim long kibung bilong ol G-20 - o ol 20 wol lida long Londo long dispela wik.

Ol lida i tok promis long stretim ol hevi insait long ol we ol i save ronim ol institusen olsem dispela tasol i kamapim mani hevi long dispela taim.

Ol bai senisim 'global financial stability regulator', resolusen tu i tok, ol bai was gut long ol 'hedge funds' na kamapim wanpela nupela akauns sistem.

Sif Eksekutiv bilong Invesmen na Fainensel Sevis Asosiesen, Richard Gilbert, i tok dispela erf i wanpela 'balanced package'.

## Sekyuriti Kaunsil bai holim imejensi bung

Sekyuriti Kaunsil bilong Yunaitet Nesens (United Nations o UN) bai holim wanpela imejensi bung long toktok long wanpela 'rocket launch' bilong Not Korja (North Korea).

Kaunsil em i gat 15 memba olgeta, na em bai holim ol bung bihain long Not Korja i bin

sut long wanpela 'long-range rocket' em ol i bilip i wanpela 'missile test' long autim bel kaskas bilong en long ol UN resolusen o disisen.

Presiden bilong Amerika (United States of America), Barack Obama, i tok dispela 'rocket launch' bilong Not Korja em wanpela bikhet pasin na UN imejensi bung i mas kamap hariap.

Ami bilong Saut Korja (South Korea) na Amerika i sakim toktok bilong Not Korja we em i tok ol i bin yusim dispela rocket long lonsim wanpela 'satellite' i go long spes.

Ol opisel bilong Amerika i tok namba wan hap bilong 'missile' i bin pudaun insait long solwara bilong Siapan (Japan) na ol nara-pela hap i pudaun i go insait long Pasifik Osen.

Ol i tok i no bin i gat wanpela hap i go antap long 'orbit long space'.

## Obama i tok promis long daunim ol 'nuklia wepon'

Long wanpela toktok bilong em i go long ol manmeri i bung insait long Prague long Sek Ripablik (Czech Republic), Presiden bilong Amerika (United States of America), Barack Obama, i tok promis long rausim ol tok lukaut bilong ol 'nuklia wepon' long wol.

Mista-Obama i bin tok dispela bihain long dispela 'rocket launch' bilong Not Korja (North Korea).

## Environmen grup bai kamapim protes tude

Ol environmen grup long Nu Kaledonia (New Caledonia) husat bai holim wanpela protes long biktaun Noumea tude, i askim long ol i pasim wanpela nickel faktori bihain long ol poison nogut o sulphuric acid i bin kapsait.

Planti tausen lita bilong sulphuric acid bilong kampani ol i kolim Vale Inco i bin kapsait i go insait long Not Be Wara (North Bay River) las wik Trinde na i kilim planti tausen ol pis na ol narapela samting.

Wanpela protes ol environmen grup long hap olsem Together for the Planet and Action Biosphere, i wok long askim long ol i rausim laisen bilong dispela maining kampani bilong Brasil (Brazil).

Polis long dispela teritori bilong Frans (France) i stat mekim pinis ol wok painim.

## Kot bai harim kot salens bilong bipo PM

Fiji Kot bilong Apil bai i go het long harim kot salens agensim wanpela tingting bilong hai kot i kam long bipo praim minister Laisenia Qarase.

Pasifik niusman Campbell Cooney ripot olsem long Oktoba las yia, Fiji Hai Kot i bin givim tingting olsem, president Josefa Iliolo

i bin bihainim lo aninit long mama lo long makim wanpela intarim gavman.

Mista Qarase i bin apil long dispela ruling na long dispela wik, kot bai harim dispela apil.

Long Tunde - Kaunsil i sanap makim Gavman, Gerard McCoy i tok, bai i gat bikpela hevi long kantri sapos kot i rul agensim we ol i bin makim gavman long wanem militari gavman i bin lukautim kantri inap klostu long 2 na 6-pela mun.

Fiji Human Raits Komisin i bin givim tu evidence i sapotim rot presiden i bin bihainim.

Aste - loya bilong Mista Qarase, Bruce Walker QC, bai bringim kes bilong em bilong bekim.

Ol i ting dispela kot bai pinis long tumora tude.

## Kot kalabusim soldia bihain long dai bilong wanpela man

Long Fiji ol i salim wanpela soldia i go kalabus inap long tripela yia bihain long kot i painim aut olsem em i bin helpim trabel we wanpela masta-mak o surveyor i bin dai insait long wik bihain long Disemba 2006 militari ku.

Long Mande, hai kot i kliaim Koporel Maika Vuniwawa long kilim Nimilote Verebasaga, tasol painim em i rong long 'manslaughter'.

Nimilote Verebasaga, krismas 41 bilong wanpela ples long Tailevu, i bin dai long ol bagarap i bin kisim taim em i stap long rum gat aninit long lukaut bilong polis long Januari 2007.

Jastis Daniel Goundar i bin salim Vuniwawa i go kalabus.

Em i tok dispela soldia i no bin karimaut wok bilong em gut long was long wanpela man aninit long lukaut bilong em.

Vuniwawa i namba 9 soldia Jastis Goundar i salim i go kalabus insait long ol kot kes agensim ol man i bin kilim ol sivilien long 2006 ku.

## Sik dengi kamap bikpela

Ol helt atoriti long Frans Polinisia (French Polynesia) i tok ol i lukim mak bilong sik dengi (dengue fever) i go antap long dispela teritori long ol dispela wik i pinis.

Helt ministri i tok i gat nau 120 manmeri i gat taip 4 dengi, na narapela 78 i gat taip 1. Em i min, teritori nau i gat 40 manmeri i gat dispela taip 4 dengi moa winim las wik, na 9-pela moa i gat taip 1.

Em i namba wan taim long 30 yia ol i lukim taip 4 dengi, em ol natnat (moskito) i save karim, i kamap long Frans Polinisia. Na bikos long dispela, bodi bilong planti manmeri i nogat banis bilong was long ol.

Na nau tu, sik dengi long Nu Kaledonia (New Caledonia) i wok long go daun liklik.

Em i bin nogut olgeta long hap, namba wan taim long kamap olsem insait long 10-pela yia.

5,900 manmeri i gat dengi stat long Sep-

temba.

Tasol, ol namba i kam aut nau tasol long senta bilong sanitary na sosal afes bilong teritori, ol i bin rekotim 274 manmeri i gat dengi long namba wan wik bilong dispela mun.

Dispela i soim olsem, wokabaut bilong dengi raun long komuniti i wok long go daun isi stat long Mas, taim moa long 100 manmeri i save kam wantaim dispela sik long wanwan de.

## Kalabus man i no laik kaikai

Wanpela man Australia husat i bin go kalabus bihain long em slip wantaim wanpela yangpela meri long Papua Niugini (Papua New Guinea), nau i no laik kaikai.

Ol woklain bilong dispela haus kalabus long Kwinslen (Queensland) i wok long was gut long laip bilong dispela man.

Kristy Sexton-McGrath i ripot olsem wanpela mausmeri bilong kalabus i tok dispela man, Frederick Arthur Martens, i bin statim dispela pasin bilong em long Fraide apinun long Lotus Glen haus kalabus na ol medikel man i wok long was long em.

Ol i save olsem, ating em i mekim dispela pasin long wanem ol i no hariap long aplikesen bilong long em long ol i mas harim gen kes bilong em na marimari long em.

Long Kens (Cairns) Suprim Kot long 2006, dispela man, wanpela sata balus pailot i bin go kalabus bihain long em i slip wantaim wanpela yangpela meri krismas 14 long PNG long 2001.

Kot i salim em i go kalaus inap long 5-pela yia na 6-pela mun.

Famili bilong Marten i bin wok long pait strong agensim tingting bilong kot long kalabusim em - long wanem ol i tok ol flait rekot i soim olsem, em i bin stap wan tausen kilomita longwe long ples ol i tok i bin stap long en wokim dispela trabel.

## Ol manmeri vot long tripela bai-ileksen

Long Malesia (Malaysia), ol raiot polis i stap sambai taim ol manmeri i go vot insait long tripela bai-ileksen raun long kantri.

ABC niusman Steve Holland i ripot i kam long Bukit Gantang konstituensi long Perak Stet bilong Malesia olsem, strongpela oposisen pati tru long kantri na koalisen nau i ronim gavman em praim ministri Najib Razak i go pas long en, tupela-i taitim bun stret long winim ol sia long Bukit Gantang.

Planti handret oposisen sapota i bung au-sait long wanpela poling stesin taim polis, em ol i bilas long riot yunifrom i sanap lukluk.

Ol sapota bilong PAS kendidet Mohammad Nizar Jamaluddin, bilong oposisen alaiens, i gat bikpela namba moa winim ol sapota bilong gavman.

**Pacific BEAT** Listen to Radio Australia 101.9FM Port Moresby

4. 5. 6am & 4pm. 5pm including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



# Redim gut mani long raun long Okuk Haiwe

James Kila i raitim

Ol lain stretim rot na karim kago bai laikim mani

**M**I BIN amamas taim mi bungim wanpela wanskul long bipo nem bilong Adrian long Goroka maket bas stop taim em i draiv long Mendi na laik go long Lae.

Tasol mi lukim olsem dispela brata i no amamas tumas taim mi bungim em.

Mi askim em, "Brata, olsem wanem? Yu i gat sampela hevi long famili o?"

Adrian i bekim, "Sori tru brata. Mi no inap baim wanpela kol dring o siks-pek SP bilong yu nau yet."

"Mi givim olgeta mani mi gat long ol lain husat sanap long rot."

Mi guria long toktok bilong em na mi askim em husat ol lain tru i stil long em. Tasol em i tok, nogat, i no ol raskol. Em ol lain husat i save sanap long rot na giaman stretim rot long kisim mani long wok ol i mekim.

Taim Adrian i tok klia long husat i kisim mani long em, mi tingim. Yesa, dispela em wanpela kain pasin we i save kamap long planti hap bilong Okuk Haiwe long Hailans rijen.

Adrian i tok tu olsem em i givim ol dispela lain samting olsem K400 olgeta, long wanem em i peim ol rot blok stat long Sauten Hailans, Westen Hailans, Simbu, na i kam olsem long Isten Hailans.

Dispela hevi Adrian i bungim em i no nupela hevi. Planti ol draiva na pasindia bilong ol bikpela trak, PMV bas na tu ol kar i save bungim dispela hevi long Okuk Haiwe na ol liklik han rot long planti hap long Hailans.

Ating wankain hevi tu i stap long sampela ol narapela provins long kantri, tasol mi no save tumas long ol dispela provins. Mi bai stori tasol long pasin we i save kamap long Hailans.

Mi yet mi wanpela man bilong nambis, tasol mi raun i go long klostu olgeta hap bilong Hailans we rot i go long en.

Mi bin go olgeta tru long las ples we longpela bilong Okuk Haiwe i go long en, long Porgera, Lek Kapiago, Kutubu na Nipa-Tari rot na tu long Kagua-Erave rot long Sauten Hailans. Mi ken tokaut stret olsem dispela pasin bilong 'stretim rot' na kisim mani long ol manmeri na ol trak o PMV bas o kar i ron long rot em i bikpela tru.

Dispela kain pasin i kamap pinis olsem wanpela 'kalsa' bilong ol manmeri husat i stap arere long Okuk Haiwe stat long Isten Hailans, Simbu, Westen Hailans, Sauten Hailans na Enga wantaim.

Ol manmeri long ol dispela hap i save amamas taim hevi i kamap long hap bilong ol na ol i save lusim ol Kristen bilip bilong ol



**HELPIM TRU O?** Sampela ol asples i helpim ol manmeri karim kago. Ol manmeri i mas peim K5 long ol asples long mekim dispela wok. *Poto: James Kila*

olsem 'Gutpela Samaritan' na i save go na kisim mani nating nating long ol trak, PMV bas na kar na ol lain i yusim rot.

Maski yu o wanpela lida i laik tokim ol dispela manmeri olsem dispela rot ol wok long stretim em rot bilong 'gavman', ol dispela lain bai tok 'sarap'. Ol bai tok gavman i no kam stretim rot, ol yet i stretim, olsem na ol bai kisim mani long wok ol i mekim.

Long taim bilong ren na graun bruk na pasim rot, ol dispela papagraun bai go sanap long rot, stretim na askim long mani long husat i yusim dispela rot.

Planti taim ol bai yusim savol, speit na ol samting bilong wok na mekim wok long soim ol narapela lain olsem ol i mekim wok stret na ol i mas givim ol sampela mani pastaim long ol abrusim ol.

Ol dispela lain i save sasim kain kain mak bilong mani long ol trak, PMV, kar na ol manmeri. Sampela mak bilong mani em olsem K5 long ol manmeri i helpim long karim kago na K10 o K20 long trak, PMV o kar i mov long abrusim dispela ples ol i wok long en.

Adrian i stori long mi olsem long Sauten Hailans ol lain husat i save sanap na stretim rot i save askim long ol trak draiva long peim K50.

"Ol dispela lain i save strong tru na yu i mas peim mani pastaim long yu draiv abrusim dispela ples, "Sapos yu i gat sampela bikpela wok long Maun Hagen na yu

hariap long go, yu bai pasim tingting tasol na peim," Adrian i tok.

Dispela pasin ol lain i stap arere long Okuk Haiwe na ol distrik rot long Hailans i save mekim i no gutpela. Tasol, husat tru i strong inap long tokim ol taim dispela hevi i kamap long ples bilong ol na ol i yusim ol savol na speit na samting bilong wok bilong ol na mekim wok pinis.

**Woks na kontrakta stap we?**

Planti taim ol sampela man i save toktok olsem Dipatmen bilong Woks i mas kam bek gen na mekim dispela wok bilong stretim rot taim rot i bagarap. Tasol, taim nesanel gavman i bin kamapim wok praiwetaisesen long sampela yia i go pinis, planti ol wok bilong Woks i go daun. Nau dispela kain wok i stap long han bilong ol praiwet kontrakta long stretim rot long Okuk Haiwe na tu sampela ol distrik rot.

Tasol, mi lukim olsem dispela ol kontrak kampani i save pret taim ol yet i save go na mekim wok long ol sampela ples. Dispela em long wanem ol yangpela manmeri long ol dispela hap tu i save mekim kain kain toktok long sait bilong kompensesen na ol narapela samting. Dispela i save mekim ol wokman pret.

Planti taim ol polis i save go sanap na ol wokman bilong ol dispela kontrak kampani i save mekim wok stretim long rot. Mi

lukim dispela pasin long planti hap long Hailans.

Dispela pasin bilong toktok strong long ol lain i wok long rot em planti taim em ol yangpela man husat i smuk spak brus na nogat gutpela tingting long het bilong ol i save mekim.

Planti taim dispela ol lain i no save tingting gut na toktok. Dispela rot tasol i stap na sevis bilong gavman olsem skul na haus sik i stap long hap bilong ol. Sapos ol i gat gutpela tingting ol i mas stretim rot fri tasol. Noken kisim mani long ol lain i yusim rot long i go kam.

Tu, taim ol dispela lain i stretim rot, ol i mekim gutpela pasin na tu ol sevis bilong gavman bai go in-sait long hap bilong ol.

**Maski graun yet i kamapim hevi, ol bai kisim mani yet**

Mi save lukim planti taim olsem long taim graun i bruk na pasim o bagarapim rot, o wara i tait na rausim rot, ol manmeri husat i stap arere long dispela hap wantu tasol i save go redi long kisim mani long giaman na stretim rot.

Planti taim ol pasindia bilong ol PMV bas husat i ron long Maun Hagen i go olsem long Lae o laik go bek long ples, i save bungim dispela kain hevi long sait bilong Isten Hailans na Simbu provins. Tarangu, ol i lusim ples, na planti taim ol i save pret long kros o pait i kamap na ol i save bungim mani tasol na givim ol dispela lain husat

i stretim rot.

I no longtaim i go pinis graun i bruk na pasim rot long sampela hap bilong rot long Watabung na Daulo Pas long Isten Hailans hap bilong Okuk Haiwe.

Wanpela graun bruk i bin kamap long Lulape na bihain narapela liklik i kamap long Helmut klostu long Watabung stesin.

Mi bin i go kisim ripot bilong niuspepa long dispela hap na mi glasim gut kain pasin ol manmeri long hap i bin mekim.

Sampela ol lida bilong ol i tokim ol long noken kisim mani long ol manmeri, tasol sampela ol yangpela man i hait tasol na givim oda long ol lain pasindia bilong ol PMV bas long peim mani pastaim long ol i go het long ron bilong ol.

Pasin mi lukim long Helmut ol papagraun bilong Watabung i sanap na kisim mani long ol lain husat i wokabout i go kam long dispela graun bruk na peim K5. Olgeta dispela ol lain pasindia bilong ol PMV bas i peim mani na go kam long dispela rot.

**Bikpela givim 'blesing' taim graun bruk o wara bagarapim rot**

Sampela taim i go pinis, mi bin mekim ripot long Daulo Pas hap bilong Okuk Haiwe long Isten Hailans provins, na mi harim kain kain ol toktok ol manmeri i mekim taim birua bilong graun bruk i bin kamap.

Wanpela man i tok olsem ol manmeri long dispela hap i no save kisim wanpela helpim long gavman na "Bikman Antap" i sori long ol na i mekim graun i bruk na ol i ken kisim mani long gavman taim wok i kamap long stretim rot long hap.

Dispela man i tok olsem dispela ol hevi em olsem 'blesing' long wanem gavman i no save luksave long ol.

Dispela tingting na pasin i stap long planti hap long Hailans na mi sori tru olsem dispela kain pasin i daunim wok developmen long ol ples.

Tu, tingting bilong planti ol manmeri i no op tumas long kisim developmen i kam long ples bilong ol. Ol i wetim na askim tumas long gavman long bringim ol sevis i go long ol.

Mobeta, Gavman bilong Papua Niugini (PNG) na ol polis i mas kamap wantaim wanpela strongpela lo long daunim dispela hevi bilong ol lain i kisim mani nating nating long ol rot i bagarap. Dispela pasin i no gutpela, na i bagarapim nem bilong Hailans na PNG tu.

**YUMIFM Radio Program**

**Program bilong Wanwan De - Mande - Fraide**

6am - 10am - Sankamap show - Host: KAS.T  
 6:15am - Komuniti Notis Bod  
 6:30am - Nius Hetlains / Bondei grittings  
 Trukai Rais - GES FAIA KOMPETISEN  
 6:45am - Niuspepa Hetlains  
 7:00am - Major Nius Bulletin - YUMIFM Nius Senta  
 7:15am - Toktok sapatim LO na JASTIS Sekta  
 7:30am - Trukai Rais - GES FAIA KOMPETISEN  
 8:00am - Major Nius Bulletin - YUMIFM Nius Senta  
 8:15am - Stori b'long Skelim Tingting  
 8:30am - Trukai Rais - GES FAIA KOMPETISEN

9:00am - Nius Bulletin - YUMIFM Nius Senta  
 9:15am - Luksave long Komuniti (Radio Pili)  
 9:30am - Trukai Rais - GES FAIA KOMPETISEN  
 9:45am - YUMI PAINIM WOK Segment  
 10:00am - Nius - YUMIFM Nius Senta  
 10am - 2pm - Monin Trek na Belo Pack - Host: VAVIESSIE  
 10:10am - Lukatim yu yet - Helt toktok - RH Hyper Mart  
 10:45am - YUMI PAINIM WOK Segment  
 11:00am - Nius - YUMIFM Nius Senta  
 11:10am - Cont'd - Lukauti yu yet - Helt toktok  
 11:30am - Nius Hetlains b'long Belo Taim  
 12:00pm - Major Nius Bulletin - YUMIFM Nius Senta  
 12:10pm - BELO Taim - wantaim sapat b'long TELIKOM  
 12:15pm - Komuniti Notis Bod  
 12:20pm - BELO Taim - wantaim sapat b'long TELIKOM  
 1:00pm - Nius - YUMIFM Nius Senta  
 1:10pm - BELO Taim - wantaim sapat b'long TELIKOM  
 2:00pm - Major Nius Bulletin - YUMIFM Nius Senta

2pm - 6pm - Avinun Draiv Taim - Host: Enjo Dabix  
 2:00pm - 4:00pm (Tunde / Fondei) TOKAUT TOKSTRET  
 2:45pm - YUMI PAINIM WOK Segment  
 3:00pm - Nius - YUMIFM Nius Senta  
 3:10pm - Avinun cruz  
 4:00pm - Nius - YUMIFM Nius Senta  
 4:10pm - "FOAPELA KAM GUD LONG 4"  
 4:30pm - Nius Hetlains  
 4:45pm - YUMI PANIM WOK Segment  
 5:00pm - MAJOR NIUS BULLETIN - YUMIFM Nius Senta  
 5:10pm - 6:00pm - FLAME KULCHA (1 hr) listeners request  
 6:00pm - MAJOR NIUS BULLETIN - YUMIFM Nius Senta  
 6 - 7pm - Maggi noodles request aua  
 6pm - 00am - NAIT BEAT - Host: ANGRA KENNEDY  
 6:10pm - 7:00pm Mun kamap sho  
 6:45pm - Komuniti Notis Bod  
 7:00pm - 9:00pm - COCA COLA GARAMUT  
 9:00pm - 00am - Nait Beat - Isi Cruz long nait

00am - 6am - BRUKIM TULAIT SH - JW - Host: Papa Raegs / Sally / Nenge  
 00:00 - Early Monin Taim Cruz (of main brukim tulait shift)  
 - Miusik / Request / Tok pilai  
 - Kipim Kampani long oi nait shift  
**Weekend Shift - Saturday & Sunday**  
 6:00am - 11:00am - Wilen Sarrais  
 6:30am - Komuniti Notis Bod - Bondei grittings  
 7am - 9am - Wilen Spots  
 9am - 11am - Monin Raun  
 11am - 1pm - National Weekly Hit Parade (Host Kas.T)  
 2pm - 6pm - Sarere Avinun Draiv  
 6pm - 00am - Nait Beat (Host Angra Kennedy)

**YUMIFM POROMAN TEAM:**  
 Turner (KAS.T) Arifea - Team Leader / Program Director  
 Angra KENNEDY - Senior Announcer  
 Sinimil (Vaviesie) Philipo - Promotions Co ordinator

# Raun wantaim Wantok

## Oi manmeri mekimsave, insait na ausait long so

**Nicky Bernard i raitim**

Planti ol manmeri husat i bin go long lukim Yumi FM Musik Awot nait las wik Sarere i bin wet sampela awot bihain long so i pinis pastaim long oi kam ausait long banis bilong Pot Mosbi Kantri Klub

Oi pait i bin kirap ausait long banis bilong kiab na sampela lain i yusim ol dispela pait long stil long ol manmeri. Oi dispela lain i stopim ol manmeri taim oi wokabout i kam au-

sait na stil long ol. Oi opim dua tu bilong ol kar. we i ron i kam ausait na stilim ol saming bilong ol manmeri insait long ol kar.

I no klia sapos ol lain husat i stil i bin ol lain husat i save stil olgeta taim o ol manmeri husat i laik lukim so tasol i no inap go insait long wanem klab i bin pulap na ol lain i go pas long so i bin pasim get long 10 kilok nait.

Tasol dispela hevi we i kamap bihain long so i no bin bagarapim so stret we nameri long oi

awot Augustine Emil i winim Solo Atis bilong Yia (bilong ol man) awot na Elizabeth Tandoa i winim Solo Atis bilong Yia (bilong ol meri) awot.

Singsing bilong Owa Unit, Oh Mama, i bin resis wantaim singsing bilong Skwatas. Take Me to Paradise, long kamap singsing bilong yia, tasol Take Me to Paradise i bin strong tumas.

Mangi Kokopo Texas Allan i bin winim Ruki bilong Yia (bilong ol man) awot na ol yangpela brata bilong Sentrel provins, Kasenz i bin kisim awot bilong Yangpela Nupela Ben bilong Yia.


Ben bilong Solomon Ailans (Solomon Islands), Sisiva, i bin Ruki bilong Yia (bilong ol meri) awot na olgeta manmeri long klab i bin paitim han na amamas taim

Sisiva i kisim dispela awot wantaim tu narapela awot olsem Pasifik Atis bilong Yia.

Oi Yumi FM Musik Awot i save luksave long wanwan musikmanmeri na ben long Papua Niugini na Pasifik, we singsing bilong ol i save stap long Yumi FM Wikli Hit Peret (lista).



**SISIVA:** Oi yangpela meri bilong Solomon Ailans, (lephan) Sisiva, i winim tupela awot. Sanap long raithan em menesa bilong ol.



**WINMAN:** Texas Allan i rekotim 6-pela albam pinis. Dispela awot em winim long namba 7 albam bilong em. *Oi Poto: Nicky Bernard*

**93.1FM YUMIFM NATIONAL WEEKLY HIT PARADE**

SPONSOR DIGICEL  
 Produced & Hosted by KAS.T  
 SANGERS: PAPA RAEGS & YUMIFM POROMAN CREW

Date Ending: Saturday 11th April 2009

W/S	W	V	SONG	ARTIST
1	1	1	Harlem	Texas Allan
2	2	1	... (unreadable)	...
3	3	1	... (unreadable)	...
4	4	1	... (unreadable)	...
5	5	1	... (unreadable)	...
6	6	1	... (unreadable)	...
7	7	1	... (unreadable)	...
8	8	1	... (unreadable)	...
9	9	1	... (unreadable)	...
10	10	1	... (unreadable)	...
11	11	1	... (unreadable)	...
12	12	1	... (unreadable)	...
13	13	1	... (unreadable)	...
14	14	1	... (unreadable)	...
15	15	1	... (unreadable)	...
16	16	1	... (unreadable)	...
17	17	1	... (unreadable)	...
18	18	1	... (unreadable)	...
19	19	1	... (unreadable)	...
20	20	1	... (unreadable)	...

In this week: ... (unreadable) ...  
 Our chit week: ... (unreadable) ...

Puturagan askim na adim ikam:  
 1. Wanem fevret stesen yu save laik harim?  
 2. Wanem show yu save laik harim?  
 3. Husat em fevret Anasoa bilong yu?  
 4. Wanem 5 pila singsing yu save laikim?  
 5. Askim na tingting bilong yu long stesen?

Nem: ... (unreadable) ...  
 YUMIFM, Lockbag 93, Port Moresby email: yumifm@naufm.com.pg

**RADIO AUSTRALIA TOK PISIN PROGRAM HARIM LONG 01.9 FM**

**Radio Australia Tok Pisin Program - MANDE**

**Moning - Nait**  
 6AM Stesen Op - Nius Hetlain - Musik na ol intaviu  
 6:30AM Nius na Karen Afeas  
 7AM Stesen Pas  
 7:15PM Stesen Op  
 7:30PM O Helain na Program Privu  
 7:45PM Musik na Chit Chat  
 8PM Nius na Karen Afeas  
 8:15PM Yout Spots  
 8:30PM Musik  
 8:45PM Yout Riplei  
 9PM Stesen Pas

**TUNDE**  
**Moning - Nait**  
 6AM Stesen Op - Nius Hetlain - Musik na ol intaviu  
 6:30AM Nius na Karen Afeas  
 7AM Stesen Pas  
 7:15PM Stesen Op  
 7:30PM O Helain na Program Privu  
 7:45PM Musik na Chit Chat  
 8PM Nius na Karen Afeas  
 8:15PM Yout Spots  
 8:30PM Musik  
 8:45PM Yout Riplei  
 9PM Stesen Pas

**TRINDE**  
**Moning - Nait**  
 6AM Stesen Op - Nius Hetlain - Musik na ol intaviu  
 6:30AM Nius na Karen Afeas  
 7AM Stesen Pas  
 7:15PM Stesen Op  
 7:30PM O Helain na Program Privu  
 7:45PM Musik na Chit Chat  
 8PM Nius na Karen Afeas  
 8:15PM Yout Spots  
 8:30PM Musik  
 8:45PM Yout Riplei  
 9PM Stesen Pas

**FONDE**  
**Moning - Nait**  
 6AM Stesen Op - Nius Hetlain - Musik na ol intaviu  
 6:30AM Nius na Karen Afeas  
 7AM Stesen Pas  
 7:15PM Stesen Op  
 7:30PM O Helain na Program Privu  
 7:45PM Musik na Chit Chat  
 8PM Nius na Karen Afeas  
 8:15PM Yout Spots  
 8:30PM Musik  
 8:45PM Yout Riplei  
 9PM Stesen Pas

**FRAIDE**  
**Moning - Nait**  
 6AM Stesen Op - Nius Hetlain - Musik na ol intaviu  
 6:30AM Nius na Karen Afeas  
 7AM Stesen Pas  
 7:15PM Stesen Op  
 7:30PM O Helain na Program Privu  
 7:45PM Musik na Chit Chat  
 8PM Nius na Karen Afeas  
 8:15PM Yout Spots  
 8:30PM Musik  
 8:45PM Yout Riplei  
 9PM Stesen Pas

**SARERE**  
**Nait**  
 7PM Stesen op - Oi Nius Hetlain/Program Privu  
 7:05PM Musik na Chit Chat  
 7:30PM Nius  
 7:40PM Wantok  
 8PM Lokal Ben  
 8:30PM Nius  
 8:40PM Musik/Chit Chat  
 9PM Stesen Pas

**SANDE**  
**Nait**  
 7PM Stesen op - Oi Nius Hetlain/Program Privu  
 7:05PM Musik na Chit Chat  
 7:30PM Nius  
 7:40PM Famili Blong Serah (Radio Plei)  
 8PM Lukluk Bek Long Wik  
 8:30PM Nius  
 8:40PM Musik/Chit Chat  
 9PM Stesen Pas

### TV GAID

**FONDE 9 APRIL 2009**

5.00AM G JOYCE MEYER - Religious Program  
 5.30AM G TODAY  
 9.00AM EMTV PRIME TIME LINE UP  
**CLASSROOM BROADCAST**  
 Education learning through television broadcast for Primary Schools for Grade 8 Maths, Science; Grade 6 Personal Development, Grade 7 Making A Living, Teacher Training & DEPI Program.  
 11.10am Grade 8 - Mathematics  
 12noon Grade 8 - Science  
 1.00pm Grade 6 - Personal Development  
 1.50pm Grade 7 - Making A Living  
 2.30pm Teacher Training & DEPI Program  
 2.59PM STATION OPEN  
**KIDS KONIA**  
 Join Sussan B. Hila as she presents some of the kids favourite shows such as cartoons series G2G: Got To Go; Sharky's Friends; & Holly's Heroes. It's an exciting, fun-filled show with games, competition and lots more.....  
 3.00PM G G2G: GOT TO GO  
 3.30PM G THE KINGDOM OF PARAMITHI  
 4.00PM G SHARKY'S FRIENDS

4.30PM G LOKIE LEONARD  
 4.57PM G EMTV TOK SAVE  
 5.00PM G THE SHAK  
 5.29PM G EMTV NEWS UPDATE  
 5.30PM G HOT SOURCE  
 6:00PM G NATIONAL EMTV NEWS  
 6.30PM G A CURRENT AFFAIR  
 6.59PM NEWS UPDATE IN TOK PISIN  
 7.00PM G SPORTS SCENE  
 7.30PM PG CUSTOMS  
 7.57PM EMTV TOK SAVE  
 8.00PM PG WIPEOUT AUSTRALIA  
 Australian Human cannonball! Crashes, smashes and mud splashes! Twenty men and women from every state of Australia will compete in the world's largest extreme obstacle course designed to provide the most spills, face plants and wipeouts ever seen on television. Hosted by James Brayshaw, Josh Lawson and Kelly Landry.  
 9.00PM G ELITE MUSIC ZONE  
 9.30PM M FOOTY SHOW  
 Join Paul "Fatty" Vautin, Matty Johns and Andrew Voss for the 2009 Footy Show. The boys bring you all the latest news, views and gossip from the 2009 NRL competition and the wider sporting world in their own unique and humorous style.  
 11.00PM G NATIONAL EMTV NEWS

**REPLAY**  
 11.30PM Australia Network

**FRIDAY, 10 APRIL 2009**

5.00AM G JOYCE MEYER - Religious Program  
 5.30AM G TODAY  
 9.00AM EMTV PRIME TIME LINE UP  
 3.56PM STATION OPEN  
 4.00PM G THE VIENNA  
 PHILHARMONIC ORCHESTRA  
 The Vienna Philharmonic Orchestra conducted by debutant Argentine-Israeli pianist and conductor of Russian descent Daniel Barenboim. Filmed in Linz, the capital of Upper Austria, the film describe the city and its surroundings with fascinating images.  
 5.55PM G CRIME STOPPERS  
 6:00PM G NATIONAL EMTV NEWS  
 6.30PM G A CURRENT AFFAIR  
 6.59PM NEWS UPDATE IN TOK PISIN  
 7.00PM G IN MORESBY TONIGHT  
 7.27PM EMTV TOK SAVE  
 7.30PM G FRIDAY NIGHT FOOTBALL: EELS v DRAGONS  
 9.30PM G FRIDAY NIGHT LATE FOOTBALL: ROOSTERS v BRONCOS  
 11.30PM G NATIONAL EMTV NEWS

**REPLAY**  
 Midnight Australia Network

**SATURDAY, 11 APRIL 2009**

11.29AM STATION OPEN  
 11.30AM PG THE MUSIC JUNGLE  
 The Music Jungle is a mix of the hottest music clips, behind the scenes feature plus viewers own performance videos. Hosted by Lizzy Lovette.  
 12.30 G EASTER IN BUNNY LAND  
 1.30PM G BOARDING PASS  
 Surf, skate, snow and travel show  
 2.00PM G TOTAL RUGBY  
 2.30PM G SUPER 14:  
 BLUES v LIONS  
 4.30PM G FISHING NORTH AUSTRALIA  
 5.00PM G SPEED MACHINE  
 5.30PM G MXTV 100th Episode (Special)  
 6.00PM G NATIONAL EMTV NEWS  
 6.30PM PG AUSTRALIA'S FUNNIEST HOME VIDEO SHOW  
 7.30PM G IN MORESBY TONIGHT  
 7.57PM EMTV TOK SAVE  
 8.00PM G SUPER 14: BRUMBIES v STORMERS


10.00PM G ELITE MUSIC ZONE  
 10.30PM M CANAL ROAD  
 11.30PM NATIONAL EMTV NEWS REPLAY  
 Midnight Australian Network

**SUNDAY, 12 APRIL 2009**

5.59AM STATION OPEN  
 7.00AM G TODAY ON SUNDAY  
 9.00AM G HILLSONG  
 Join Brian Houston every Sunday as he teaches to change mindsets and empower people to lead and impact every sphere of life.  
 9.30AM G RISE AGAIN  
 10.00AM G WIDE WORLD OF SPORTS  
 11.00AM G SUNDAY FOOTY SHOW  
 MIDDAY G SUNDAY ROAST  
 1.00PM PG WVE AFTERBURN  
 2.00PM G SUPER LEAGUE:  
 BRADFORD BULLS v LEEDS RHINOS  
 4.00PM G SUNDAY FOOTBALL:  
 SEA EAGLES v WESTS TIGERS  
 6.00PM G NATIONAL EMTV NEWS  
 6.30PM G EDUCATION: ENGA  
 EDUCATION ENGA - A documentary film produced by Luklim PNG Productions on Governor Peter Ipatas, MP, on his commitment to achieving free education for all



# PEN PREN



Salim i kam long: P.O. Box 1982 Boroko, NCD Papua New Guinea

**NEM:** Mike Peirai Wan  
**KRISMAS:** 20 (man)  
**ADRES:** DODL, P.O. Box 380, Mt Hagen, WHP  
**SAVE LAIKIM:** Harim musik na raitim pas.

**NEM:** Mary Amos  
**KRISMAS:** 18 (meri)  
**ADRES:** Gabensis Primary School, P.O. Box 5040, Lae, Morobe Province  
**SAVE LAIKIM:** Tok pilai, pilai soka na basketbol, harim musik na mekim pren.

**NEM:** Patrick Amos  
**KRISMAS:** 16 (man)  
**ADRES:** Gabensis Primary School, P.O. Box 5040, Lae, Morobe Province  
**SAVE LAIKIM:** Ritim buk, harim musik, pilai soka, pilai volibol na mekim pren.

**NEM:** Kolaid Bei  
**KRISMAS:** 19 (meri)  
**ADRES:** P.O. Box 799, Madang, Madang Province.  
**SAVE LAIKIM:** Go lotu, pilai volibol, harim musik, raitim pas, tok pilai na raun raun.

**NEM:** Talu Nane  
**KRISMAS:** 16 (man)  
**ADRES:** Dela Salle Secondary School, P.O. Box 1288, Boroko, NCD  
**SAVE LAIKIM:** Go lotu, harim musik, tok pilai, ritim buk na raitim pas.

**NEM:** Pitz Diini  
**KRISMAS:** 18 (man)  
**ADRES:** DODL, P.O. Box 380, Mt Hagen, WHP  
**SAVE LAIKIM:** Pilai volibol, tok pilai, ritim buk na raitim pas.

**NEM:** Rex Kaila  
**KRISMAS:** 17 (man)  
**ADRES:** DODL, P.O. Box 380, Mt Hagen, WHP  
**SAVE LAIKIM:** Pilai ragbi, ritim buk, mekim pren na raitim pas.

**NEM:** A. Alapi  
**KRISMAS:** 17 (man)  
**ADRES:** DODL, P.O. Box 380, Mt Hagen, WHP  
**SAVE LAIKIM:** Ritim buk, tok pilai na mekim pren

**NEM:** Paul Angima  
**KRISMAS:** 17 (man)  
**ADRES:** DODL, P.O. Box 380, Mt Hagen, WHP  
**SAVE LAIKIM:** Pilai volibol, ritim buk, harim musik, na go lotu

**NEM:** Otti Simon  
**KRISMAS:** 18 (meri)  
**ADRES:** DODL, P.O. Box 380, Mt Hagen, WHP  
**SAVE LAIKIM:** Pilai basketbol, go lotu na ritim buk.

# Raun wantaim Kanage olgeta wik

## Tupela plastik beg

Wanpela lapun meri husat i wokabaut long rot i wok long pulim tupela bikpela plastik beg long baksait bilong em. Em pulim ol dispela beg i go na wanpela liklik hul i kamap long wanpela bilong ol. Wanpela K20 lip mani i kam aut long dispela beg na pundaun long sait bilong rot.

Wanpela polisman i lukim dispela mani i pundaun na i singaut i go long dispela lapun meri na tokim em, "Wanpela K20 i pundaun kam ausait long beg bilong yu." Lapun meri i bekim, "Tru a? Mi mas go bek na painim dispela K20. Tenkyu tru long toksave." Tasol polisman i tok, "Yu wet liklik pastaim, mi gat wanpela askim long dispela ol mani. Em mani bilong yu o yu stilim?" "Nogat," lapun meri i tok. Em tok klia long polisman, "Hap mi save stap em i stap klostu long wanpela soka fil. Long taim bilong ol pilai, ol manmeri save kam long lukim ol pilai. Planti bilong ol save kam pispis long ol plawa bilong mi. Mi save sanap long banis bilong mi wantaim plawa kata na wet. Taim ol man i kam long pispis, mi save tokim ol, K20 o mi bai katim." Polisman i harim na tok, "Orait. Em orait. Em inap, yu go bek na painim K20 bilong yu. Tasol wanpela moa askim. Wanem samting stap long narapela beg?" Lapun meri bekim, "Yu save, i no olgeta man i save baim."

AK  
PNGPOWER



**Wina bilong dispela wik Kanage em:**  
**AK - PNG Power**  
**Ring i kam long telepon namba 325 2500 na askim long Allan Tolire long prais bilong yul**

## Bubu Kanage

Wanpela taim Kanage na liklik bubu bilong em i stap long haus. Kahage i gat traipela buk long as bilong em na wok long slip isi stap. Em no pasim gut laplap.

Bubu bilong em kirap long slip na i kam kalap stret long buk bilong Kanage. Aiyo, Kanage i pilim traipela pen na laik singaut tasol pen i abrus na em slip krangi stap.

Liklik bubu bilong em i kirap nogut na lap na i tokim bubu man bilong em, "Ai bubu, yu no putim pens."

Liklik bubu tingim em yet na we mama i save putim pauda na pasim daipa long em. Hariap tru em go kisim pauda na daipa kam bek na tokim Kanage, "Bubu, maski long pens. Yu slip na bai mi putim pauda na pasim daipa long yu."

KOKO  
MOSBI TAUN

## PNG Pawa

Wanpela taim, Kanage skul long wanpela skul long Mosbi. Olgeta Fonde ol i gat lotu long moning pastaim long skul stat. Kanage na ol wanklas bilong em

sindaun na tisa bilong lotu kam na lainim ol long sampela tok-tok stap.

Tisa askim ol sumatin, "Husat givim yumi laip?" olgeta i singaut, "Jisas. Tisa askim, husat save givim wara, olgeta bekim wankain, Jisas! Tasol taim tisa askim long husat save givim pawa, Kanage em namba wan sumatin long bekim. Amamas wantaim em singaut, PNG Pawa!

TEESOT  
GHU

## Painim Tok!

Raitim daun wanem pani samting yu ting i gutpela insait long babol long pote...



Raitim daun wanem samting yu ting em pani na gutpela na salim i kam. Bai yu winim prais.

Nem.....Krismas.....

Adres.....

Yu baim pepa long we?.....

Painim Rok resis - P.o. Box 1982, Boroko NCD.

## Painim Tok!

Raitim daun wanem pani samting yu ting i gutpela insait long babol long pote...



Brata, Yu sanapim kendol bilong yu olsem wanem? Blo mi ino sanap yahi!

Kisim kam, bai mi soim yu, lukim! Kendol bilong mi i no pundaun!

**Wina bilong bilong dispela resis em:**  
**SIMEON ONAGA**  
**P.O. BOX 620, POPONDETTA**  
**Ring i kam long 325 2500 na askim long Allan Tolire long prais bilong yul!**

Katim hia

# Apim pe, mipela i gat ol famili tu

Veronica Hatutasi i raitim

"Long 30 yia na 27 de mi wok olsem viles kot na len midieta, mi save kisim K25 pe tasol." Ol len midieta i ol lain husat i save harim na stretim ol hevi bilong graun long ples.

Asi Gebo Morea husat i bilong ples Barakau long Sentrel provins, i bin stat wok olsem wanpela len midieta long Mas 1979.

Nau, Mista Morea na wanwok bilong em long Sentrel provins na Nesenel Kapitel Distrik, i laikim gavman long apim pe bilong ol i go namel long K100 na K500 olgeta potnait. Ol i tok mani mak bilong ol kaikai, klos, marasin, pe bilong haus sik, skul, PMV na olsem i go antap tumas. Ol i tok K25 i no inap long baim na pe bilong ol dispela samting.

Ol dispela 25 len midieta i bin autim dispela wari bilong ol long wanpela bung long Mosbi we Komyuniti Jastis Liason Yunit (CJLU) i bin kamapim long skruim save bilong ol long wok bilong stretim ol hevi bilong graun long ples.

"Wok mipela i mekim i gat hevi bilong en. Mi yet i bungim ol dispela hevi long wok bilong mi.

"Wanpela em taim ol Kamea manmeri long Galp provins i bin kilim tupela len midieta long wanem ol i no amamas long disisen ol len midieta i bin mekim.

"Narapela em long peim PMV kar o bot long go long ol ples na harim ol kot bilong graun i antap tumas. Na sapos mi kisim balus long go stretim

hevi, pe bilong balus tu i antap moa," Mista Morea i tok.

Em i tok olsem planti taim pinis ol len midieta i autim dispela wari bilong ol long majisterel servis na gavman, tasol ol i no kisim wanpela gutpela bekim yet.

Nelson Bandy, wanpela len midieta bilong Madilogo, Edevu Mamari Wod long Koiari Lokol Leveol Gavman i tok, "K25 i no inap. Mi peim K78 long PMV long kam long Mosbi. Sapos mi kalap long balus, em bai K100. Gavman i no inap bekim mani bilong mi.

"Tu, i gat planti hevi long dispela kain wok.

"Taim ol man i no amamas long disisen yu mekim long graun, ol i ken paitim o kilim yu o famili bilong yu.

"Gavman i mas luksave long ol dispela hevi na apim pe bilong mipela," Mista Bandy i tok.

Em i tok gavman i mas luksave long ol len midieta olsem ol pablik servis wokman long wanem ol i mekim wok bilong gavman.

"Mi laikim wok bilong mi. Mi save wok gut, stretim planti hevi na helpim ol manmeri.


"Tasol mipela i no inap mekim olgeta ol dispela gutpela wok nating. Mipela i gat ol famili long lukautim tu," Mista Bandy i tok.

Deputi Sif Majistret, Steven Oli, husat i bin stap long dispela wanpela CJLU bung we ol Mista Morea, Mista Bandy, na ol 23 wanwok bilong tupela i bin sindaun long en, i tokim ol olsem gavman bai lukluk long apim pe bilong ol len midieta.


"Mi laikim wok bilong mi. Mi save wok gut, stretim planti hevi na helpim ol manmeri.

"Tasol mipela i no inap mekim olgeta ol dispela gutpela wok nating."


- Mista Bandy



HATWOK: Mista Bandy i tok wok bilong ol i gat kain kain hevi. Foto: Nicky Bernard



LONGPELA TAIM TUMAS: Mista Morea i wok 30 yia na kisim K25 tasol olgeta potnait. Foto: Nicky Bernard



BIKGRAUN: Papua Niugini i gat bikpela graun, na ol len midieta olsem Mista Morea na Mista Bandy long Sentrel, na ol wanwok bilong ol long ol narapela hap bilong kantri, i gat bikpela wok long mekim long stretim ol hevi bilong graun long ples. Poto i soim ol bikpela hap graun bilong Kokoda. Foto: Andrew Molen

# Gende i no redi long ol senis

Maining bai pinisim ol pasin tumbuna



**PASIN:** Wanpela singsing grup bilong Yandera. Dokta Zimmer-Tamakoshi i wari long ol kain pasin tumbuna olsem i pinis.

Paul Zuvani i raitim

**WOK** maining long Yandera na Ramu bai kamapim bikpela senis long laip bilong ol manmeri bilong Gende, na ol dispela manmeri i no redi gut long ol dispela senis.

Em toktok bilong Dokta Lauren Zimmer-Tamakoshi, bilong Amerika (United States of America).

Dokta Zimmer-Tamakoshi i wanpela savemeri long wok bilong ol pasin tumbuna bilong ol manmeri na we ol manmeti i stap.

Em i tok long ol manmeri bilong ples long kisim K200 olgeta potnait, em i bikpela senis long laip bilong ol pinis.

Em i tok tasol dispela K200 em long stat tasol bilong projek, wok maining tru i no kamap yet, na taim em i kamap bai i gat ol narapela bikpela senis winim dispela K200 olgeta potnait.

Dokta Zimmer-Tamakoshi i wari olsem dispela senis bai pinisim ol pasin tumbuna bilong ol manmeri long Gende.

"Ol dispela manmeri i no save long rot bilong lukautim mani na planti i yusim mani long ol kain kain samting olsem pilai kas na dring bia.

"Dispela kain pasin i kamap planti na kamap ples klia long ol wanwan ples.

"Ol yangpela man i stat long maritim planti meri. I nogat moa rispek long ol bikpela manmeri o lapun.

"Em ol senis we i wok long

kamap," Dokta Zimmer-Tamakoshi i tok.

Ol Gende manmeri em ol manmeri husat i kam long ol tripela bikpela wanpelin olsem Yandera, Karizokera na Gegru we wok maining bilong Ramu Nikel na Yandera Kopa i kamap.

Dokta Zimmer-Tamakoshi i tok em i bin wok 26 yia olgeta wantaim ol dispela manmeri na em i save olsem wok maining bai kamapim ol senis, gutpela na nogut wantaim, na ol manmeri i mas redi long ol dispela senis.

Em i tok sampela long ol dispela ples em kampani bai surikim i go long narapela hap graun long wanem long wok maining we bai kamap.

Em i tok planti ol yangpela manmeri i no bel sut o wari long kain senis we bai kamap.

"Ol i amamas tasol. Ol manmeri husat i wari em ol lapun," Dokta Zimmer-Tamakoshi i tok.

Tupela kampani husat i wok maining long hap bilong ol Gende em Ramu Nikel na Marengo. Ramu Nikel bai stat long salim nikel i go aut long klostu pinis bilong dispela yia, na Marengo bai stat long salim Yandera kopa long namel bilong

2011.

# Saut Kos Morobe laikim gutpela sevis long Lutheran Siping

Paulus Tali i raitim

**OL MANMERI** long saut kos bilong Morobe i save painim hat long go kam long Lae long mekim wok bisnis long wanem i nogat wanpela gutpela rot i stap.

Nau ol i wok long askim sapos Lutheran Siping kampani, bisnis han bilong Evangelikal Lutheran Sios bilong Papua Niugini (ELC/PNG) inap long mekim program bilong ol sip bilong em i

ron go long hap bilong ol tu.

Dispela i ken helpim long ol i gat rot bilong go kam long kisim sevis o mekim wok bisnis na strongim sindaun bilong ol.

Long wanpela pas ol i raitim i go long Lutheran Sios, ol i tok ol i ol memba bilong Lutheran Sios long Kote Distrik olsem na i bai gutpela sapos sios i luksave long hevi bilong ol na givim sampela sevis long ol.

"Sapos sios i mekim olsem,

em bai givin sevis long ol seket olsem Zaka, Siboma, Payawa, Bononiwe," dispela pas i tok.

Ol i tok ol i save kalap long spit bot o sampela ol arapela liklik bot long go long Lae we sampela taim ol i save painim bagarap.

Nau yet ol i save baim bot long K150 we wantaim kago bai kos i go antap long K200 na painim kain mani long ol manmeri bilong ples oltaim i save hat.

# Aihi kamapim asosiesen

Paulus Tali i raitim

**PLES** Aihi arere long biktaun Lae long Morobe provins i kamapim asosiesen long bringim developmen i go long ples bilong ol.

Longpela taim ol i no stap insait long ol wok developmen long ples bilong ol we Lae i stap long en.

Ol kamapim asosiesen we ol bilip gavman bai givim sampela luksave long askim bilong ol na bringim sevis na kamapim infrastraksa o ol rot, bris na olsem long ples bilong ol.

I gat 6-pela ples long biknem ples Aihi. Dispela ol ples em Wagan, Yanga, Butibam, Kamkumun, Yalu na Labu.

Dispela ol ples i bung wantaim na kamapim asosiesen ol i kolim Bup Developmen Koporesen.

Deputi siaman bilong asosiesen John Ngdang Kahara i tok dispela asosiesen i kamap bilong stap olsem maus bilong ol manmeri bilong Aihi.

"Mipela ol papagraun bilong Lae long longpela taim i no bin stap insait long ol wok developmen bilong Lae.

"Ol wok developmen i kamap tasol sindaun bilong mipela ol asples i stap wankain yet. Nogat senis. Olsem na mipela i kamapim dispela asosiesen long makim maus bilong mipela," Mista Kahara i tok.

# Planti wok kamap long Kimbe Bris

**KIMBE** Bris long Wes Nu Briten provins i wok long lukim planti wok i kamap long hap wantaim ol kago.

Stat long 2006 na 2007 dispela bris i lukim namba bilong ol kago long en i go antap we namel long dispela tupela yia i gat senis long mak bilong 8.14 pesen (%).

Ol bosman bilong bris i tok dispela senis i kamap long wanem long namba bilong ol samting olsem wel pam, kakao, kopra na timba bilong go aut i bikpela.

"Wankain olsem ol arapela wel pam ples long Papua Niugini (PNG), Wes Nu Briten i gat nem bilong kamapim wel pam na namba bilong ol plentesin em i gat i wok long go antap," Sif Eksekutiv Opisa bilong PNG Ports Koporesen, Brian Riches i tok.

Em i tok PNG Ports (ports long Tok Pisin em ol bris) i laik kamapim na strongim wok bilong ol.

Stat long taim Mista Riches i kisim wok olsem sif eksekutiv opisa em i kamapim planti senis long wok bilong strongim PNG Ports.

Em i tok wok bilong trening ol wokmanmeri na strongim ol em bikpela wok em laik mekim.

Mista Riches i amamas long sapot em i kisim long AusAID Transpot Sekta Sapot Program (TSSP).

I no longtaim i go pinis TSSP i stretim sampela hap kona bilong em long strongim wok kamap bilong em.

# Mining bilong kamap gutpela bisnis

Paul Zuvani i raitim

**TUPELA** bisnis i kisim luksave bilong Gavman bilong Australia taim ol i kisim inap olsem K11 milion (Aus\$5.5 m) long AusAID long mekim wok bilong ol long Tunde dispela wik.

Dispela tupela bisnis em Morobe Provinsel Gavman Bisnis kampani Mainland Holdings Ltd na Mosbi Paradais (Paradise) Spaises (Spices).

Australian gavman aninit long Entaprais Salens Fan (ECF) aninit long AusAID program bilong em i redim inap olsem Aus\$50 milion long givim long ol bisnis long Esia Pasifik husat i laik kamapim ol wok bilong strongim wok bilong ikonomi na daunim pasin tarangu pasin.

"Dispela em i gutpela mak bilong tupela bisnis tasol moa long dispela em i gutpela nius bilong agrikalsa na ikonomik gro bilong Papua Niugini (PNG).

"Mani i go long dispela tupela

bisnis i no bilong strongim wok bisnis tupela tasol wantaim ol saplaia bilong tupela wantaim.

"ECF i op long olgeta kampani long Esia Pasifik rijen na long tupela kampani long PNG namel long 9-pela arapela projek i soim olsem PNG bisnis i wok strong na i gat gutpela lukluk bilong bihain taim bilong ol," Bill Costello, hetman bilong AusAID long PNG i tok.

Resis long kisim dispela luksave i bikpela long wanem em i strongim praivet sekta invesmen na kamapim wok bilong ol manmeri we ol tarangu i mas kisim helpim long en tu.

Mani mak fan i givim i stap long mak bilong Aus\$100,000 i go inap long Aus\$1.5 milion.

Paradais Spaises Ltd i famili kampani we i pas long wok bilong agrikalsa stat long 1987 yet na long las 10-pela yia dispela kampani i save salim vanilla i go long narapela kantri.

"Dispela sapot bilong ECF bai

helpim kampani long sanapim wanpela faktori we bai mekim daun strim prosesing long kantri na salim vanilla we faktori i pinisim wok long en.

"Em bai namba wan taim long kantri i gat kain faktori olsem na bai helpim gut ol fama na kantri wantaim," Micky Puritau, menesing dairakta bilong kampani i tok.

Projek bai kisim sapot long intanesenel kwaliti standet setifikesen.

Dispela bai mekim bai em i kisim dispela luksave long ol narapela kantri na salim gut ol samting em i mekim.

"Mipela i askim ol fama long ol i mas groim ol arapela spais na nat we i gat bikpela laik bilong ol i stap long ol kantri olsem Australia, Taiwan na Amerika," Mista Puritau i tok.

Na wantaim Mainland Holdings Ltd, dispela kampani i mekim wok bisnis long Morobe long 37 krismas i go pinis.

# Kabwum bai lukim divelopmen

**Bustin Anzu i raitim**

WOKIM rot na stretim dukesen sistem em ampela divelopmen re memba bilong kabwum i gat tingting ng em.

Kabwum em wanpela listrik long Morobe provins we i nogat gutpela luksave long sait bilong divelopmen olsem skul, rot, bris na aus sik.

Olsem na lokol memba bilong ol Bob Dadae i putim pinis K3.5 milion long lukim ol dispela sevis i mas amap.

K2 milion long dispela mani bai go long

stretim ol rot na nara-pela K1.5 milion bai ol i putim i go long nupela Kabwum Hai Skul long skruim sampela moa samting bilong skul.

Mista Dadae i bin mekim dispela toktok bihain long namba wan Join Distrik Plening na Baset Praioriti Komiti bung (JDP & BPC) long Kabwum stesin las mun.

"Sapos yu lukluk gut, Kabwum em wanpela ples we i nogut olgeta na i no gat luksave bilong gavman."

"Olsem na mi gat bikpela bilip long ol rot na skul long distrik bilong mi."

"Mi gat strongpela bilip olsem stretim ol rot

i stap o mekim wok stretim bai lukim sampela liklik wok bisnis insait long komyuniti bilong yumi," em i bin tok.

Em i tok tu olsem edukesen bai bringim o kamapim planti bilong ol yangpela bilong Kabwum long taim bihain bilong ol long kisim save.

Mista Dadae, husat tu i Minista bilong Difens i tok K250, 000 long Distrik Sapot Gren (DSG) bai i go long helpim ol papamama long peim skul fi bilong ol long Kabwum na Wasu Hai Skul.

# Moa long K1 milion

## Long strong wok agrikalsa long EHP

**James Kila i raitim**

**AGRIKALSA divelopmen long Isten Hailans provins i kisim moa long K1 milion long 2009 baset o mani plen long mekim wok insait long dispela yia.**

Long wanpela ripot bilong EHP administresin niusleta ol i kolim Gamani Gakoq, i no long-taim i go pinis em i soim olsem dispela mani plen i lukim mani mak i go antap moa long K25,000 winim mani plen bilong las yia.

Dispela ripot i tok olsem agrikalsa em bun baksait tru bilong Isten Hailans long wanem nogat ol bikpela gol, kopa, wel (oil) o ges projek long provins.

Planti ol manmeri i save kisim mani na sapotim sindaun bilong ol long ples na hauslain long

mani bilong agrikalsa olsem kopi na ol gaden kaikai ol i save salim long maket long baim ol samting bilong ol, baim skul fi na ol nara-pela samting.

Dispela ripot i tok olsem bikpela hap bilong dispela mani long K1 milion em K350,000 em ol i givim i go long wok program bilong Spesel Sapot Sevises Pailot Projek (SSSPP).

Kopi indastri long provins long dispela mani plen i kisim K175,000. Dispela mani bai go long sait bilong promosen na maketing na kopi extensen wok, we provinsel dipatmen bilong agrikalsa na laipstok bai wok klostu wantaim Kopi Indastri Koporesen (CIC) long karimaut.

Insait long dispela dispela K1 milion, bai lukim tu Lufa Masrum Projek i kisim K100,000.

Dispela projek i go aninit long Isten Hailans netsurel risoses divisin na dispela mani bai go long kirapim bek ol wok bilong dispela masrum projek long Lufa.

Wantok Niuspepa i bin mekim wanpela lukluk raun i go olsem long Lufa stesin i no long-taim i go pinis na i luksave olsem dispela masrum haus i go bagarap olgeta. Nogat ol wok i kamap long en na ol samting i stap insait long bus stret.

Dispela projek bilong Lufa masrum em wanpela rises oganaisesen bilong Saina (China) ol i kolim JUN CAO i bin sainim agrimen wantaim provinsel administresin long kamapim.

Tasol, sampela ripot *Wantok Niuspepa* i kisim i tokaut olsem nogat gutpela sapot i save kam long sait bilong provinsel gavman na ol savemanmeri bilong Saina i no amamas tumas na i go bek gen long kantri bilong ol.

Tasol sampela arapela ripot i tok gen olsem ol lain Saina i bin kam bek gen long pinis bilong las yia long kirapim gen dispela projek.

Ol narapela projek we bai kisim helpim tu insait long dispela K1 milion em K80,000 bilong Aiyura pisari, K63,500 bilong rais projek, K69,000 bilong fud na kes krop, K52,500 bilong laipstok monitaing na kodinesen, K25,000 bilong spais projek, K39,000 bilong viles hani-bi kiping projek na K70 200 bilong administresin.

## Komo Magarima kisim projek mani

**Timon Henry i raitim**

MEMBA bilong Komo Magarima, Francis Potabe, i givim aut projek mani mak inap long 10 milion long ol ilektoret bilong em long Sarere long wik i go pinis.

Insait long wokabaut bilong em long ilektoret em i givim aut ol projek mani olsem, K2.7 milion bilong wokim polis haus long Magarima, K2.7 milion long kamapim 10-pela haus bilong Komo polis, K200,00 bilong baim ol risetolmen pemen, K1.5 milion i go long stretim bek Komo stesin, rot na ples balus.

K30 000 i go long wokim nupela nutrisen maket, K20 000 long klinim lowa Wake LLG semba, K5 000 i go long lpuwaka Disebol Senta, K250 000 i go long wokim Hiri Lai Veli rot, K150 000 i go long stretim rot long Yambaru Keme rot na K250 000 i go long stretim Yuhama Paunduaka rot.

long rot long helpim ol.

"Maski holim pasim mani i stap, ol manmeri i laikim sevis. Wanem em bilong ol manmeri, yupela i mas givim long ol," em i tok.

**- Timon Henry i raitim**



Mosbi pulap long kon

**KAIKAI:** Planti manmeri insait long Mosbi i wokim gaden long taim bilong ren. Kon na pinat em namba wan samting ol i planim. Kikai bilong em i kamap na nau ol i stat long kukim long ol sait bilong rot na salim long ol lain long opis husat save laikim kon. Lote Turula wantaim susa bilong i mekim paia na kukim kon long sait bilong wanpela opis taim *Wantok Niuspepa* i kisim poto bilong ol. **Poto: Nicky Bernard**

# Lo na oda i mas stret bipo long projek kamap

MEMBA bilong Koroba/Kapioga, John Kekeni, i redi long givimaut ol projek long ilektoret bilong em.

Bipo long ol projek i kamap em i tok olsem em tingting long putim moa mani na stretim sait bilong lo na oda bipo long ol projek i go het.

Mista Kekeno i brukim mani bilong em long ol sekta olsem, K4.80 milion bilong polis, K3.15 milion bilong wokim haus bilong ol polis, K500,000 bilong administresen opis, na K150,000 bilong baim ol kar na tu long stretim Kapioga

polis, na K2.5 milion bilong haiwe patrol 23 long ilektoret bilong em.

Mista Kekeno i askim Nesenel Eksekutiv Kaunsil (NEC) long autim K20 milion bilong wokim rot i go insait long Koroba na Kapioga bai ol manmeri i ken kisim ol sevis

# Long Boroko i go long PRL



TIM: Simbu tim i soim kala bilong ol

### Andrew Molen i raitim

**D**anga Sarere ba, 17 ragbi lig pilaia bilong ol. Ol tok ol sisen ragbi lig i traim long go klostu. Ol insait long bikpela resis long Mosbi. Ol insait long Mendi Simbu tim ba, bundim Otomo. Ol insait long gren fainol bilong ol long Kone. Ol insait long wampela ingtine strongim ol long win. Ol insait long Sabebel i Suburba. Ol insait long wampela ingtine na planti ol pilaia em long i sim. Ol insait long wampela seleksim long pilaia insait long Sabebel na bihain go insait long PNGRL. Wampela ingtine kepten bilong tim i tok.

Danga i save pilaia olsem senta insait long pilaia i wampela pilaia husat i soim gutpela idas long kisim tim bilong em i kam long gren fainol bilong ol.

Dispela em i namba wan yia bilong Mendi Simbu insait long Boroko Lig na ol i soim strongpela resis tru long lukim tupela sinia tim bilong ol i kamap long ol fainol resis.

A gret i kam na lus long semi fainol tasol B gret i holim strong na nau bai ol dispela yangpela man i pilaia wampela bikpela gem long laip bilong ol.

I nogat planti tim i save mekim dispela kain long olgeta gem long wol na Mendi Simbu i soim olsem ol i gat ol pilaia husat i gat bilip long gem bilong ol yet.

Planti ol intanesenel ragbi lig pilaia bilong Papua Niugini (PNG) i bihainim wankain rot na nau ol i putim Kumul yunifom na Danga wantaim ol mangi bilong em i gat bilip long mekim wankain samting.

"Mi amamas long hatwok ol mangi bilong mi putim insait long tim na mi gat bilip olsem mipela i ken win sapos mipela i pilai olsem tim na soim wankain strongpela gem," Danga i tok.

Kosa Peter Kura i tok wampela samting we i save strongim tim em gutpela sapot bilong ol Mendi na Simbu komyuniti long Boroko na Mosbi.


Mipela i amamas tu long sapot bilong minista Philemon Embel husat i sponsaim mipela tu, Kura i tok.

Danga i tok ol i redi gut nau long dispela bikpela gem na trening bilong ol tu i ron gut tasol.

Rot bilong dispela ol pilaia i stat nau tasol, ol i gat longpela hap i stap yet na dispela gren fainol long Sande em i stat bilong planti moa long ragbi lig laip bilong ol.



PAS: Mendi Simbu i trening long Is Boroko long Trinde dispela wik.



KEPTEN: Danga bai go pas long tim long gren fainol dispela Sarere. Ol Poto: Andrew Molen



# Hekari aut long O' Lig

Bustin Anzu i raitim

**DRIMAN** bilong Hekari United Souths long winim tupela taitol insait long wanpela yia i abrus.

Dispela i brukim lewa bilong ol opisel, pilala na ol namba wan sapota.

Bihain long olgeta hat wok long kamap long dispela kain mak na lus olsem i no stret.

Tupela samting - namba wan em long winim Nesenol Soka Lig (NSL) gren fainol, long difendim taitol bilong ol na namba tu samting em long stap insait long ol fainol bilong O' Lig.

Tasol tupela samting wantaim i no bihainim tingting bilong Hekari.

Dispela tupela samting i bin stap long tingting bilong ol taim ol i stat long pilai insait long 2008/2009 sisen.

Dispela gren fainol wantaim CMMS Tigers Rapatona i no bin kamap long tupela Sarere i go pinis long wanem ren i bagarapim dispela ol gren fainol.

Long namba wan Sarere, bikpela ren i pundaun na ol i surukim fainols i go long narapela Sarere.

Tasol long dispela namba tu Sarere, wankain stori, bikpela ren i pundaun gen na stopim gem.

Sapos Hekari bin win, em bai winim gen taitol long namba tri taim na i gat sans gen long ren long O' lig.

Sapos Rapatona i win, em bai namba wan taim bilong ol long win insait long NSL resis.

Pila namel long Welgris Highlanders wantaim Bai Loan University, em long wainim taitol na fainol.

University em narapela wan taim bilong long stap insait long ol fainol long namba wan taim bilong ol long NSL na Welgris, bihain long tripela yia olgeta, i soim pes long ol fainol.

NSL bod i sindaun wantaim ol tim menesa bilong 4-pela klab na toksave long ol olsem bai nogat gem i kamap na tu bai nogat wanpela wina.

Ol tim menesa i wanbel long dispela.

NSL bod bai sindaun wantaim ol eksekyutiv bilong PNGFA na paitim toktok long ol bai painim wina bilong sisen 2008/2009 olsem wanem.

Ol dispela tim Menesa em Joe Saleu (Esi Lpan University), Pius Letenge (Welgris Highlanders), Yonnie Kapi-Natto (Hekari Souths) na Jimmy Kim (CMMS Tigers Rapatona).

Tasol maeki ol tim menesa i

wanbel wantaim dispela tingting, ol i gat sampela tingting tu olsem ol i nap painim wina bilong pilai insait long fil na i no ausait.

Saleu i tok em i no wanpela gutpela pasin olsem ol i no pilai insait long fainol.

Dispela i no pasin bilong painim wina.

Ol narapela i tok, em i kos bikpela mani long lukautim ol pilala long tupela wik.

Letenge i tok ol i westim planti mani long lukautim ol pilala insait long dispela ol wik bilong pilai na ol i no nap putim sampela mani gen.

Kim i sapotim Letenge long ol i westim planti mani long stap long kemp long Mosbi.

Na em tu i tok PNGFA mas i gat fil bilong em yet long holim ol kain pilai olsem na i no ken painim fil bilong pilai, kain olsem ol i yusim Mosbi ragbi lig oval.

Sapos em i ren ol i no ren, ol mas pilai long fil bilong ol yet long painim trupela wina long fil.

Ol dispela 4-pela klab i bin putim planti taim bilong ol long pilai na tu, yusim planti mani long baim kaikai, haus ol samting long holim ol mangi na redi long pilai.

Tasol i no wanpela man o meri i stopim ol long pilai o, wanpela i kisim kot oda na stopim.

Ol i mas sutim tok long ren bilong wanem na em i kapsait long dispela tupela Sarere.

Nau yet, ol i wetim wanpela toksave i kam long NSL bod na PNGFA eksekyutiv.

Na long sinit bilong O'lig, dispela win bilong Koloale long tupela Sarere i go pinis i sutim ol stret long nek bilong ol.

PNG i bin driman olsem Hekari mas i go insait long ol fainol bilong O' Lig wantaim wanpela tim bilong Nu Silan.

Wokabaut bilong Hekari insait long O'lig em wanpela bikpela samting we PNG i putim ai na wok long bihainim kam.

PNG i no stap insait long dispela resis bipo na dis-

pela bikpela wok Hekari i bin mekim long kisim ol i go insait long dispela resis em bikpela samting insait long soka.

PNG tu i putim was na prea olsem Koloale mas dro wantaim Ba bilong Paitim ol i bung long las gem bilong Pui B long Lawson Tama Stadium long Honiara.

Tasol dispela i abrus taim Koloale i autim tiket bilong Ba wantaim 100 skoa lain.

Koloale i amamas wantaim dispela win bilong ol na stopim Hekari long noken bisu long O'lig ol fainol.

Straika bilong Koloale Nicholas Muri i hetim wanpela kik we intanesinol pilala bilong ol Henry Fa'arodo Jr i salim i kam long Muri.

Hekari bin go pas wantaim 6-pela poin long Pui B jeda na Koloale wantaim Ba i sanap long 4 poin.

Tasol taim Koloale i win Koloale i go pas wantaim 7-pela poin, Hekari 6 na Ba 4.

Hekari nau mas wetim tingting bilong NSL/PNGFA long husat ol bai makim long pilai insait long narapela O'lig resis.



**MUSAT MAU?** I nogat gren fainol bilong dispela NSL sisen olsem na i nogat tok kija tu long husat bai makim PNG long O'lig resis gen. *Poto: Wantok Niuspapa*

# Yoba laik stopim gem long raun tri



*Poto Andrew Molen*

**KAM BEK:** Yoba laik pinisim pait hariap.

Andrew Molen i raitim

**WILLIE** Yoba i laik stopim pait long raun tri wantaim nok aut taim em i bungim David Tazzig long 76kg profesenel boksing pait bilong tupela dispela Sande long Mosbi.

"Tupela yia mi stap nating na nau mi kam bek na mi laik soim ol manmeri olsem mi kam bek nau.

"Mi tren hat na redi gut na mi no laik pait long taim," Yoba i tok.

Mi tingting long stopim pait long raun tri wantaim nok aut, em i tok.

Yoba i gat moa ekspirien long Tazzig long profesenel level long wanem em i bin stap trening na pait long Australia pinis na i rejista tu wantaim Intanesenel Boksing Federesen (IBF).

Yoba i bin wanpela profesenel kik-boksa bipo na i gat tupela profesenel boksing pait long Australia pinis tu.

Tasol dispela ol toktok i no surikim

Tazzig husat bai mekim namba wan profesenel pait bilong em.

"Tingting bilong mi em long pinisim pait bilong mi.

"Dispela bai namba wan pait bilong mi na mi tren hat tasol em bai no i nap isi, tingting bilong i nau em long pinisim pait stret." Tazzig i tok.

Pait bilong Yoba na Tazzig em wanpela bilong narapela 5-pela profesenel pait we bai kamap long Sande.

Long wankain taim bai gat 12-pela amata pait tu aninit long PNG Boksing Federesen.

Ol i kolim dispela resis olsem; Inta Provinsel Boksing Kompetisen na olgeta boksa i makim wanwan hap bilong Papua Niugini.

Wanwan boksa bai makim long Goroka, Nesenel Kapitel Distrik, Wewak, Simbu, Galp na Wabag, tupela bai makim Sentrel na tripela bai makim long Manus.

# Moa resis bilong ol etlit

**OL'ETLIT** i mas gat planti gutpela trening na resis bipo ol i kam long nesenel sempionsip bai dispela i kamapim moa salens na givim ol moa sans tu long win.

Dispela em tingting bilong Papua Niugini Etlitiks Yunion (PNGAU).

PNGAU i amamas long dispela Hailans Momase Rijinel we bai kamap long Goroka long Mei 15 i go long 17 na i tok planti moa kain resis i mas kamap long ol arapela hap taim long Nesenel sempionsip.

"Planti etlit i no save gat planti resis bipo ol i kamap long nesenel sempionsip," presiden

bilong PNGAU, Tony Green i tok.

Em i tok dispela Hailans Momase Sempionsip em i wanpela gutpela resis long redim ol etlit.

Dispela bai namba 5 taim bilong dispela resis i kamap na em i wok long kisim bikpela luksave bilong ol manmeri.

Las yia em i pulim planti manmeri go lukluk taim em i kamap long Madang.

Green i tok ol tim husat i laik stap insait long dispela resis i mas salim ol nem na arapela bilong ol i go hariap bai ol samting i ken redi gut na stap wetim gem tasol.

Ol tim, skul, klap, na asosiesen husat i laik resis i mas ringim Peter Salaiu long 7322691 o Philip Kamane long 7322391 hariap tasol.

Bai i gat resis long anda 16, anda 18 na open divisen na ol anda 14 bai gat sprint tasol.

Wanwan tim i ken makim tupela etlit tasol bilong wanwan resis na ol taim bilong kisim nem bilong ol tim bai pas long Me 6.


Ol tim i mas givim nem bilong ol etlit wantaim kismas na det mama i karim ol.

Dispela resis i gat bikpela sapot bilong PNGAU.

# PAINIM BAL RESIS

## Wina 6

Wantok Isu namba 1809



Wina bilong Painim Bal Resis Namba 6 em:  
**William Numbrea - Krismas: 69**  
 C/O P.O. Box 978 Wewak, ESP  
 Mobail: 672 8279  
 Baim Wantok pepa long Tang Mow.  
 Plis ringim Allan Tolire long Ph: 325 2500 na askim  
 long prais bilong yu!


Putim mak (X) long wanem hap yu ting bai i stap long en na salim i kam long:

**PAINIM BAL RESIS  
 WANTOK NIUSPEPA  
 P.O. Box 1982 Boroko,  
 NCD  
 Port Moresby.**

Bai yu gat sans long winim K100 long wanwan mun.  
 Traim lak bilong yu, nogut yu gat sans long win!!!

Lo bilong resis:  
 Oi wokmanmeri bilong Wantok Niuspepa no inap pilai long dispela resis. Wantok Niuspepa tasol bai i makim wina. Nogat potokopi.  
 Taim bilong dro em bihain long foapela wik bai oi i droim wina na nupela pilai bai i stat gen. Nem bilong wina bai kamaut long pepa neks wik bihain long dro.

**Sans long  
 K100 olgeta  
 mun!!!**



MEKIM SAVE: David Tazzig (lephan) bilong Wabag na Willie Yoba bilong Simbu bai pait dispela Sande long 76kg divisin bilong profesenel boksing long Mosbi.



TRENING: Oi Mendi Souths B gret tim i bin stap long trening long Trinde dispela wik long redi long gren fainol bilong ol long Sarere.

# PAINIM BAL RESIS

## NAMBA - 7

Isu 1809



Makim (X) long bokis yu ting bai i stap na salim i kam long atres antap.

Nem:.....Krismas:.....

Man/Merit:.....Atres:.....

Telepon Namba:.....

Yu baim Wantok pepa long we?

Stua/Maket/Strit:.....

katim long hia

Putim mak (X) long wanem hap yu ting bai i stap long en na salim i kam long:

**PAINIM BAL RESIS  
 WANTOK NIUSPEPA  
 P.O. Box 1982 Boroko,  
 NCD  
 Port Moresby.**

Bai yu gat sans long winim K100 long wanwan mun.  
 Traim lak bilong yu, nogut yu gat sans long win!!!

Lo bilong resis:  
 Oi wokmanmeri bilong Wantok Niuspepa no inap pilai long dispela resis. Wantok Niuspepa tasol bai i makim wina. Nogat potokopi.  
 Taim bilong dro em bihain long foapela wik bai oi i droim wina na nupela pilai bai i stat gen. Nem bilong wina bai kamaut long pepa neks wik bihain long dro.

**Sans  
 K100  
 yah!!**

### OL SPOT DRO

**NCD/HCSA Ista Ragbi Lig dro 2009**

Fraide, Epril 10, 2009

- PRL ovol 2 - B Gret
- 0800 Panthers vs Badili Tigers
- 0840 Sharks vs Umoto Rocks
- 0920 Eels vs Iyo Brothers
- 1000 Hawks vs Harve
- 1040 Warriors vs Muruks

A Gret

- 1100 Panthers vs Badili Tigers
- 1215 Sharks vs Umoto Rocks
- 1330 Eels vs Iyo Brothers
- 1445 Hawks vs Harve
- 1600 Warriors vs Muruks

Sande, Epril 12, 2009

- PRL ovol 2 - B Gret
- 0800 Umoto Rocks vs Muruks
- 0840 Harve vs Eels
- 0920 Warriors vs Hawks
- 1000 Sharks vs Panthers
- 1040 Badili Tigers vs Iyo Brothers

A Gret

- 1100 Umoto Rocks vs Muruks
- 1215 Harve vs Eels
- 1330 Hawks vs Warriors
- 1445 Sharks vs Panthers
- 1600 Badili Tigers vs Iyo Brothers

Mande, Epril 13 - Oi Semi Fainol

- 1000 B Gret 4th ples vs 3rd ples
- 1130 A Gret 4th ples vs 3rd ples

Oi Gren Fainol

- 1330 B Gret 2nd ples vs 1st ples
- 1430 A Gret 2nd ples vs 1st ples

NCD/HCSA Ista Soka bilong oi meri - dro 2009

Fraide, Epril 10, 2009

- Gem 1 - PRL Ovol 3.
- Warriors vs Muruks
- Hawks vs Harve
- Eels vs Iyo Brothers

Sharks vs U/Rocks  
 Panthers vs Badili Tigers

Sande, Epril 12, 2009

- Gem 2 - PRL ovol 3.
- B/Tigers vs Iyo Brothers
- Sharks vs Panthers
- Hawks vs Warriors
- Eels vs Harve
- Muruks vs U/Rocks

Mande Epril 13, 2009

- Oi Fainol - PRL ovol 2
- 0800 4th ples vs 3rd ples
- 0900 2nd ples vs 1st ples

Nine Mail Soka Asosiesen  
 Pri Sisen Dro, 2009

Sarere, Epril 11, 2009

- Graun 1
- 1000 Man D/Rats vs Junction
- 1100 Man D/Drifters vs Texas
- 1200 Man Graveside vs KT Mandus
- 1300 Man Fisika vs MBS
- 1400 Man Kunava vs 24 M/Mates
- Graun 2
- 1000 Man J/Parrots vs B/Water
- 1100 Man NG Kawa vs Raitopos
- 1200 Man Outsiders vs Tuyalo
- 1300 Man Liwale vs Madeka
- 1400 Man Dimasu vs G/Neps

Sande, Epril 12, 2009

- Graun 1
- 1000 Man
- 1100 Man
- 1200 Man
- 1300 Man
- 1400 Man

- Graun 2
- 1000 Man
- 1100 Man
- 1200 Man
- 1300 Man
- 1400 Man

# PNG i gat sans long kism Pasifik Gems




Foto: Andrew Molen

**BIKMAN:** Lahkan i amamas long ol samting em i lukim long PNG.

## Andrew Molen i raitim

**PAPUA Niugini (PNG) i gat sans long holim 2015 Pasifik Gems long hia tasol em i gat bikpela wok i stap yet.**

"Yupela i gat olgeta samting i stap long hia we bai helpim yupela long kism gem i kam, tasol yupela i mas winim lewa bilong ol arapela Pasifik kantri long vot long yupela," Presiden bilong Pasifik Gems Kaunsil (PGC), Vidhya Lakhan, i tok long Mosbi long Tunde dispela wik.

Dispela em long wanem PNG wok long resis wantaim Solomon Ailans (Solomon Islands) na Tonga long holim 2015 Pasifik Gems.

Em i tok olgeta sponsa, gavman na ol manmeri i mas soim gutpela sapot long PNG Spots Federesen na PNG Spots Faundesen long kism gem i kam long PNG.

"Yupela ken i gat olgeta samting i stap tasol dispela bai no inap pulim gem i kam.

"Yupela i mas kamapim gutpela tok-tok na sapot long winim lewa bilong ol arapela kantri long vot long yupela," Lakhan i tok.

Presiden bilong Intanesenel Olimpik komiti (IOC), Dokta Jacques Rogge, i tok tu olsem em bai gutpela long Pasifik Gems i kam long PNG.

"Mi amamas olsem PNG i putim nem

long kism 2015 gems i kam long hia.

"Mi ting em bai gutpela stret bilong kantri bilong yupela," Dokta Rogge i tok.

Em i tok PNG i noken stop tasol i mas wokhat i go i nap ol i winim tok orait bilong holim gems.

Sekreteri Jenerel bilong PNG Spots Federesen na Olimpik Komiti, Se John Dawanicura, i tok ol i gat gutpela tim i stap long wok long dispela na bai no inap stop wok long dispela inap laspela toksave i kam aut long Septemba 27 dispela yia.

Saut Pasifik Gems i bin kamap long PNG long 1969 na 1991 na planti tok em i save gutpela moa taim gem i kamap long PNG.

Planti ol samting bilong pilai we i stap nau em ol i bin kamapim long yusim long dispela ol gems na ol i bin stap bek taim gem i pinis.

"Bihain long gem, olgeta samting bai stap bek wantaim wanem kantri i bin holim gem.

"Tasol kantri husat i kism gem i mas traिम long apim level bilong gem," Lakhan i tok.

## Olimpik luksave long PNG Gems

### Andrew Molen i raitim

**INTANESEL** Olimpik Komiti (IOC) i luksave long Papua Niugini (PNG) Gems na bai givim sapot bilong ol long en.

Insait long dispela sapot bai IOC i givim US\$10,000 (K30,000) long sapotim PNG Gems long kamap long Nesenel Kapitel Distrik (NCD) dispela yia.

Presiden bilong IOC, Dokta Jacques Rogge i bin tokaut long dispela long Mande apinun dispela wik bipo long em i go bek.

"Mipela i luksave long PNG Gems na bai kamap olsem petron bilong gems," Dokta Rogge i tok.

Em i tok antap long dispela helpim bilong IOC em Osenia Nesenel Olimpik Komiti (ONOC) tu bai putim narapela US\$20,000 (K60,000). Dispela i

mekim total helpim bilong IOC i kam long PNG Gems em inap long K90,000 olgeta.

Dokta Rogge i tok IOC i gat ol arapela spot program we ol spotsmanmeri husat i mekim gut i ken i go stap na trening long ovasis na dispela em ol olimpik opis bilong wanwan kantri save lukautim. Siaman bilong PNG Gems, Edris Kumbruwah i tok dispela em bai bikpela helpim tru ol i kism i kam long IOC bilong dispela gem.

"Dispela em bai namba 4 taim bilong dispela ol gem i kamap na wantaim kain helpim olsem, em bai mekim dispela i bikpela gem tru long olgeta," Kumbruwah i tok.

Long wankain taim Dokta Rogge i kism tok orait bilong gavman bilong PNG long sanapim wanpela haus bilong opis bilong Olimpik long PNG.

## 2RPIR no laik lusim kap

### Andrew Molen i raitim

**NAMBA** tu Pasifik Ailans Rejimen (2RPIR) bilong Papua Niugini Difens Fos (PNGDF) i no laik bai komanda's kap i lusim Moem Bareks long Wewak, Is Sepik provins, bihain long ragbi yunion resis bilong ol dispela lsten wiken.

Komanda bilong PNGDF, Peter Ilaui, i tokaut long dispela las mun taim em i opim dispela resis long Murray Bareks long Mosbi, Nesenel Kapitel Distrik.

Ilaui i tok dispela resis i save kamap namel long olgeta PNGDF tim long kantri bihain long olgeta tupela yia.

Ol tim bai kam long Lombrum Nevi Bes long Manus, 1RPIR na Fos Sapot Batalion (Murray Bareks) long Mosbi na ol arapela hap long PNG.

"Dispela yia ol lain long Wewak bai holim dispela resis na mi ken tokim yupela olsem ol i nogat tingting long lukim dispela kap i lusim ples bilong ol," Ilaui i tok.

Ol gem bai stat tumora na pinis long Mande long wik i kam.



Foto: Andrew Molen

**TROPI:** Ilaui wantaim nupela tropi ol ami tim bai resis long en long Komanda's Ragbi Yunion Kap resis dispela wiken long Wewak.

## SPOT RAUN

WANTAIM

Scott Vavine, ML



## Rejistaim ol teknikel manmeri

**OL SPOT** atoriti long Papua Niugini (PNG) nau i mas tingting long kamapim gen wanpela program bilong rekotim nem, trening na wok bilong olgeta teknikel spot manmeri long kantri.

I bin gat wanpela program olsem i stap pastaim we Nesenel Spots Institut (NSI) i bin go pas long en, tasol dispela program i bagarap na i no ron moa. Dispela i mekim planti ol teknikel opisa i go nabaut.

Dispela ol teknikel opisa i ken ol kosa, referi, administreta, ol medikel opisa bilong spot na ol arapela olsem, husat i go stap nabaut na i nogat gutpela luksave long ol na dispela save ol i gat long en.

Ol nesenel federesen o NSI yet i mas wokbung long kirapim bek dispela program bilong wanem em i wanpela bikpela samting tru.

Wanpela gutpela samting long dispela program em, em i save mekim isi long save hamas manmeri kism save long wanem kain wok. Taim i gat dispela infomesen nau, em bai mekim isi long ol i ken redim ol trening bilong ol spotmanmeri bilong ol yet long apim level bilong ol long dispela ol hap.

Ol i ken yusim ol dispela teknikel manmeri long spot bilong ol wanwan long go aut na skulim ol arapela long ol spot bilong ol yet long helpim gem bilong ol i go moa yet.

Dispela bai helpim ol tu long developim spot bilong ol wanwan wantaim helpim bilong ol dispela teknikel manmeri bilong ol.

Ol nesenel federesen i gat planti arapela wok long mekim olsem na ol bai nogat taim long lukluk gut tumas long developmen wok bilong wanwan spots bilong ol.

Long dispela as em bai gutpela long yusim dispela ol teknikel save manmeri long mekim dispela wok.

Ol i ken helpim long skulim ol arapela manmeri long wok bilong ol yet olsem wok referi, kosa, administreta o lukautim medikel sait bilong ol spot.

Taim i gat planti bilong ol dispela teknikel manmeri i stap, em bai helpim long apim nem na level bilong wanwan spot na tu bai kamapim planti moa manmeri wantaim dispela kain save.

Ol atoriti nau i mas lukluk long kirapim bek dispela program na tu lukluk long wankain program olsem bilong Australia na kism i kam na senisim i go long inapim PNG.

Taim dispela program i kamap orait ol i mas mekim wankain olsem ol arapela intanesenel program bai ol teknikel manmeri bilong PNG i kamap wankain olsem ol teknikel manmeri bilong ol arapela kantri.

Olgeta nesenel federesen long nau i mas i gat nem na rekot bilong olgeta teknikel manmeri bilong ol na i mas redi long putim nem bilong ol i go insait long dispela program taim em i kirap gem.

Mi askim ol atoriti long opim ai na wokbung long mekim dispela program i kamap na ron gut gen.

**LAE  
BISCUIT CO.**



**WANTOK**

# S P O T S

**LAE  
BISCUIT CO.**



Isu 1809

Wan wik: Fonde, Epril 9 - 15, 2009



## Telikom Customer Assistance Numbers

Call our friendly staffs now to assist you.


NATIONAL DIRECTORY ASSISTANCE	013
TELEPHONE FAULTS	014
DATA FAULTS	0175
TELIKAD, RAIT PREPAID ASSISTANCE	323 4444
INTERNATIONAL OPERATOR ASSISTANCE	016
PNG REVERSE CHARGE CALLS	011
INTERNATIONAL DIRECTORY ASST	0178
TELIKOM GENERAL ENQUIRY	300 5000

The cheapest calls in Papua New Guinea



TELIKOM PNG LIMITED  
Always there!

**DOKTA ROGGE:**  
Amamas long ol spot long PNG.




# Olimpiks luksave long PNG Gems

### Gavman i sapot

INTANESENEL Olimpik Komiti (IOC) i luksave long PNG Gems na bai kamap olsem petron bilong gem dispela yia.  
*Moa stori long Pes 27*

**DOKTA TEMU:** Gavman bai sapotim ol spot long PNG



OL FOTO: ANDREW MOLEN

INSAIT: Hekari aut long O'Lig. PES 25


■ PNG i gat sans long kisim Pasifik Gems. PES 27

## Johnston's Pharmacies



For First Aid Kits, Red8 Body Bulk Protein Supplements, Thompson Vitamins, Bandages, Strapping Tape, Mouth Guards.

### All Sport and First Aid requirements.



P.O.Box 1066 Boroko.  
Phone 325 3185. Fax 325 0190.  
Email sales@johnstons.com.pg."

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.